

## **VÁTRYGGINGARSKILMÁLAR**

### 1. Þeir sem vátryggðir eru.

1.1 Vátryggðir eru vátryggingartaki, maki hans eða sambýlismaki og ógift börn, enda eigi þessir einstaklingar sameiginlegt lögheimili á Íslandi, búi á sama stað og hafi sameiginlegt heimilishald.

## 2. Greiðsla iðgjalds.

- 2.1 Greiða skal fyrsta iðgjald þegar vátryggingin gengur í gildi og síðari iðgjöld á tilgreindum gjalddögum. Félagið sendir vátryggingartaka tilkynningu um greiðslu iðgjaldsins. Í tilkynningunni skal greiðslufrestur tilgreindur sérstaklega sem skal vera einn mánuður hið skemmsta frá þeim degi sem tilkynningin er send.
- 2.2 Sé iðgjald ekki greitt þegar greiðslufresti lýkur, skv. (samkvæmt) 1. mgr. (málsgrein) er félaginu heimilt að senda sérstaka aðvörun, þar sem greiðslu er krafist innan 14 daga, ella fellur vátryggingin niður sé iðgjaldið þá enn ógreitt.
- 2.3 Hafi vátryggingartaki ekki samið sérstaklega við félagið um greiðslu iðgjaldsins áður en frestur, skv. 2. mgr. rennur út telst það ógreitt, ef það er ekki að fullu greitt þegar fresturinn er úti.
- 2.4 Krafa um greiðslu iðgjalds er send á heimilisfang vátryggingartaka sem tilgreint er í þjóðskrá nema hann hafi tilgreint annað heimilisfang sérstaklega. Breytingar á tilgreindu heimilisfangi skal þegar í stað tilkynna félaginu.
- 2.5 Falli vátrygging niður, skv. 2. mgr. skal vátryggingartaki engu að síður greiða iðgjald fyrir það tímabil sem vátryggingin var í gildi. Reiknast þá iðgjaldið sem um skammtímatryggingu hafi verið að ræða.
- 2.6 Við innheimtu iðgjalds er félaginu heimilt að innheimta sérstakt gjald, sem nánar skal tilgreint í iðgjaldaskrá til að standa straum af kostnaði við innheimtu iðgjaldsins. Þess skal einnig getið sérstaklega í tilkynningu um greiðslu iðgjaldsins.

## 3. Verðtrygging og vísitala.

- 3.1 Vátryggingarfjárhæðir og aðrar fjárhæðir sem tilgreindar eru í vátryggingarskírteini eða iðgjaldskvittun til afmörkunar á ábyrgð félagsins breytast einu sinni á ári við upphaf vátryggingartímabils í hlutfalli við breytingar á vísitölu neysluverðs til verðtryggingar.
- 3.2 Fjárhæðir sem tilgreindar eru á yfirlitsmynd Innbústryggingar aftast í skilmálum þessum miðast við vísitölu neysluverðs til verðtryggingar þegar hún var 436,3 stig í ágúst 2016. Fjárhæðirnar breytast einu sinni á ári við upphaf vátryggingartímabils í hlutfalli við breytingar á vísitölunni.

#### 4. Gildistími – endurnýjun og uppsögn.

- 4.1 Vátryggingin gildir fyrir það tímabil sem tilgreint er í vátryggingarskírteini eða iðgjaldskvittun. Þegar tímabilinu lýkur framlengist vátryggingin um eitt ár í senn nema vátryggingartaki hafi sagt henni upp innan mánaðar frá því að félagið sendi tilkynningu um gjalddaga hins nýja tímabils skv. gr. (grein) 2.1. Ekki er þó skylt að tilkynna uppsögn fyrr en tvær vikur eru til loka tímabilsins.
- 4.2 Nú hefur vátryggingaratburður orðið, sem leitt hefur til alvarlegs trúnaðarbrests milli félagsins og vátryggingartaka, eða áhættumat, sem er til grundvallar vátryggingunni og iðgjald miðast við, hefur gerbreyst, er félaginu þá heimilt að segja tryggingunni upp með tveggja mánaða fyrirvara. Verði þrjú bótaskyld tjón á 18 mánaða tímabili hefur félagið rétt til þess að segja vátryggingunni upp. Skrifleg uppsögn skal fara fram án ástæðulauss dráttar eftir að félaginu varð kunnugt um atvik sem veita því rétt til uppsagnar. Félaginu er skylt að endurgreiða hlutfallslega iðgjald fyrir þann tíma sem eftir er af vátryggingartímabilinu.

## 5. Tilkynning um tjón.

- 5.1 Þegar tjón er orðið skal vátryggður tafarlaust tilkynna félaginu um atvikið. Sama gildir ef hann fær eða ætti að fá vitneskju eða grun um að skaðabótakrafa, sem ætla má að vátryggingin nái til, verði gerð á hendur honum.
- 5.2 Auk tilkynningar til félagsins, skv. 1. mgr. skal jafnframt tilkynna lögreglu tafarlaust um innbrot, þjófnað, skemmdarverk og rán með ósk um rannsókn.
- 5.3 Verði þjófnaður erlendis, skal skýrsla lögreglu á staðnum fylgja tilkynningu til félagsins um tjónið.
- 5.4 Þegar um þjófnað er að ræða, verður vátryggður að sanna að slíkur atburður hafi átt sér stað. Félagið greiðir ekki bætur, þegar vátryggður hefur gleymt hlut, týnt honum eða farið þannig með að við missi mætti búast.

104 Heimatrygging TM4 Síða 1 af 26



## **VÁTRYGGINGARSKILMÁLAR**

5.5 Vanræksla á skyldum vátryggðs, skv. 1. til 4. mgr. getur varðað lækkun eða missi bóta efir lögum nr. (númer) 30/2004 um vátryggingarsamninga.

#### 6. Ráðstafanir til varnar tjóni.

6.1 Þegar það atvik sem vátryggt er gegn, hefur gerst eða hætta er á að það beri að höndum, ber vátryggðum að reyna að afstýra tjóninu. Vanræksla í því efni getur varðað lækkun eða missi bóta, sbr. (samanber) lög um vátryggingarsamnnga.

## 7. Ásetningur og stórkostlegt gáleysi vátryggðs.

7.1 Valdi einhver hinna vátryggðu tjóni af ásetningi ber félagið enga ábyrgð á tjóninu. Hafi hann valdið tjóninu af stórkostlegu gáleysi, og sé um að ræða aðra vátryggingu en ábyrgðartryggingu, er félagið laust úr ábyrgð í heild eða að hluta.

#### 8. Vátrygging hjá öðru félagi.

8.1 Þegar tjón hefur orðið og í gildi er önnur vátrygging sem tekur til tjónsins, skal uppgjör bóta fara fram eftir því sem mælt er fyrir um í 37. gr. laga um vátryggingarsamninga. Ákvæði þetta gildir þó ekki um Slysatryggingu í frítíma skv. III. kafla.

## 9. Takmörkun á gildissviði vátryggingarinnar.

- 9.1 Vátryggingin tekur ekki til tjóns sem hljótast við eftirtalin tilvik:
  - a. stríð, óeirðir, uppþot, verkfallsaðgerðir eða aðra sambærilega atburði,
  - b. af völdum kjarnorku, jónandi geislunar eða geislavirkra efna,
  - c. eldgos, jarðskjálfta, skriðuföll, snjóflóð, vatnsflóð og aðrar náttúruhamfarir nema annars sé sérstaklega getið,
  - d. hvers konar líffræðileg eða efnafræðileg áhrif og/eða eitrun, þ.m.t. (þar með talið) vegna sýkla og veira, sem hljótast af völdum hryðjuverka.

#### 10. Greiðsla bóta og vextir.

10.1 Krefjast má greiðslu bóta 14 dögum eftir að félagið átti þess kost að afla þeirra upplýsinga sem þörf var á til að meta vátryggingaratburðinn og ákveða fjárhæð bóta. Vátryggður á rétt á vöxtum af kröfu sinni skv. 50. gr. laga um vátryggingarsamninga.

#### 11. Endurkröfuréttur.

11.1 Eigi vátryggður fébótakröfu á hendur öðrum vegna bótaskylds tjóns, öðlast félagið þann rétt að svo miklu leyti sem það hefur greitt vátryggðum bætur.

## 12. Lög um vátryggingarsamninga, lausn ágreiningsmála o.fl. (og fleira).

- 12.1 Að öðru leyti en kveðið er á um í skilmálum þessum, vátryggingarskírteini eða öðrum gögnum, sem vátryggingarsamningurinn byggir á, gilda um hann lög nr. 30/2004 um vátryggingarsamninga.
- 12.2 Ágreiningi varðandi vátryggingarsamning og bótaskyldu félagsins að öðru leyti má skjóta til úrskurðarnefndar í vátryggingamálum. Upplýsingar um nefndina og starfshætti hennar má fá hjá félaginu.
- 12.3 Þrátt fyrir úrræði 2. mgr. er aðilum heimilt að leggja ágreininginn fyrir dómstóla. Slík mál, svo og önnur mál sem rísa út af vátryggingu þessari, skulu rekin fyrir Héraðsdómi Reykjavíkur. Félaginu er þó einnig heimilt að höfða mál út af vátryggingunni á heimilisvarnarþingi vátryggingartaka.
- 12.4 Heimili félagsins og varnarþing er í Reykjavík.

#### 13. Vátryggingarsvið.

- 13.1 Í vátryggingu þessari eru þrettán tegundir vátrygginga, þar af fimm valkvæðar, með eftirfarandi heiti:
  - I. Innbústrygging,
  - II. Ábyrgðartrygging,
  - III. Slysatrygging í frítíma,
  - IV. Umönnunartrygging barna,
  - V. Sjúkrahúslegutrygging,
  - VI. Greiðslukortatrygging,

104 Heimatrygging TM4



#### VÁTRYGGINGARSKILMÁLAR

- VII. Málskostnaðartrygging,
- VIII. Forfallatrygging, (Valkvæð, skildagi 13)
- IX. Farangurstrygging, (Valkvæð, skildagi 2)
- X. Farangurstafartrygging, (Valkvæð, skildagi 2)
- XI. Sjúkrakostnaðar- og ferðarofstrygging erlendis, (Valkvæð, skildagi 1)
- XII. Innbúskaskó. (Valkvæð, skildagi 12)
- XIII. Áfallahjálp.
- XIV. Heimagistingartrygging (Valkvæð, skildagi nr. 14)

### Skilmálar fyrir einstakar vátryggingar.

#### I. INNBÚSTRYGGING.

#### 14. Vátryggingarstaðurinn.

- 14.1 Vátryggingin gildir á því heimili vátryggingartaka sem nefnt er í vátryggingarskírteini. Hún tekur jafnframt til innbús sem um stundarsakir er hérlendis utan heimilis hans, þó ekki í lengri tíma en 12 mánuði frá því það fór fyrst af heimili. Hámarksbætur takmarkast þá við 15% vátryggingarfjárhæðarinnar. (Sjá nánar yfirlitsmynd aftast í skilmálunum).
- 14.2 Við búferlaflutning innanlands gildir vátryggingin á báðum stöðum í einn mánuð frá þeim tíma sem vátryggður fékk umráð yfir hinu nýja húsnæði. Tjón við flutning innbús er undanskilið.
- 14.3 Skylt er að tilkynna félaginu verði breytingar á vátryggingarstað innan vátryggingartímabilsins, ella getur ábyrgð félagsins fallið niður í heild eða að hluta sbr. 24. gr. laga um vátryggingasamninga.

#### 15. Vátryggðir munir.

- 15.1 Vátryggt er innbú og aðrir persónulegir lausafjármunir vátryggðs sem fylgja almennu heimilishaldi og teljast ekki vera hluti af fasteign eða almennu fylgifé hennar. Sérstakar reglur gilda um sérgreint innbú sem sjá má á yfirliti yfir vátryggingarsvið innbústryggingar aftast í þessum skilmálum.
- 15.2 Vátryggingin tekur til auka- og varahluta sem tilheyra vélknúnu ökutæki, hjólhýsi, fellihýsi, pallahýsi, tjaldvagni eða skemmtibát í eigu vátryggðu og eru til einkanota, sem geymdir eru í bílskúr eða annarri læstri geymslu á heimili vátryggingartaka sem tilgreint er í vátryggingarskírteini. Hámarksbætur við hvern tjónsatburð eru 2% af vátryggingarfjárhæðinni.
- 15.3 Vátryggingin tekur til mótorknúinna tómstundaáhalda ásamt fylgihlutum og óskráningaskyld farartæki s.s. golfbíla, smábáta, sæsleða eða sambærilegra tækja, ásamt fylgihlutum. Hámark bótafjárhæðar er kr. 250.000.- pr. hlut (fylgihlutir innifaldir), hámark í hverjum tjónsatburði er kr. 650.000.- eftir að eigin áhætta hefur verið dregin frá.

### 16. Munir sem vátryggingin bætir ekki.

16.1 Vátryggingin bætir ekki tjón á dýrum, vélknúnum ökutækjum, hjólhýsum, tjaldvögnum, bátum eða loftförum, þ.m.t. drónum, né heldur hlutum sem tilheyra nefndum tækjum nema að því marki sem fram kemur í gr. 15.2 og 15.3.

#### 17. Vátryggingarsvið.

- 17.1 Bótaskyld tjónsatvik og takmarkanir á bótaskyldu með tilliti til einstakra innbúsmuna eru tilgreind á sérstakri vfirlitsmynd sem er að finna aftast í skilmálunum.
- 17.2 Auk vátryggingarverndar skv. 1. mgr. er vátryggingartaka heimilt að kaupa víðtækari innbústryggingu er nefnist Innbúskaskó. Um hana gildir sérstakur skildagi sem prentaður er aftan við almennu skilmálana.

#### 18. Björgunarkostnaður og afnotamissir.

- 18.1 Vátryggingin bætir tjón og kostnað sem vátryggður kann að verða fyrir vegna nauðsynlegra aðgerða til að forða yfirvofandi tjóni eins og nánar er mælt fyrir um í 38. gr. laga um vátryggingarsamninga.
- 18.2 Vátryggingin bætir afnotamissi húsnæðis, ef nauðsynlegt reynist að flytjast úr því vegna bótaskylds tjóns samkvæmt vátryggingarskilmálum þessum. Bætur miðast við þann tíma sem viðgerð stendur yfir og miðast við leigu á sambærilegu húsnæði og tjónið varð í. Bæturnar geta þó ekki numið hærri fjárhæð en sem nemur 1% af vátryggingarfjárhæðinni fyrir hvern mánuð og greiðast ekki fyrir lengri tíma en sex mánuði eftir hvern vátryggingaratburð. Eyðileggist húsnæðið og ekki er gert við það, greiðist afnotamissir sem nemur

104 Heimatrygging TM4 Síða 3 af 26



## **VÁTRYGGINGARSKILMÁLAR**

einum mánuði. Ef húsaleigukostnaður er greiddur úr annarri vátryggingu greiðist ekki afnotamissir úr tryggingu þessari.

#### 19. Ákvörðun bóta.

- 19.1 Bætur miðast, að svo miklu leyti sem unnt er, við það að fjárhagsstaða vátryggðs verði sú hin sama og fyrir tiónið.
- 19.2 Bætur greiðast á grundvelli verðs á nýjum hlutum. Frádráttur vegna aldurs og notkunar kemur því aðeins til greina að notagildi hlutanna hafi minnkað verulega fyrir vátryggðan. Þegar tjón veldur eingöngu útlitsgalla en rýrir ekki notagildi hins vátryggða greiðast ekki bætur.
- 19.3 Þrátt fyrir ákvæði í grein 19.2 og um er að ræða bætur vegna eftirtalinna muna þá gilda neðangreindar afskriftareglur:

Munir sem afskriftaregla tekur til:	Ár án aldurs- frádráttar	Eftir það árlegur frádráttur	
Fatnaður fullorðinna	1 ár	20%	
Fatnaður barna	1 ár	30%	
Hljómflutningstæki, sjónvörp og útvörp	2 ár	10%	
Myndspilarar og myndupptökutæki	1 ár	20%	
Önnur rafmagnstæki	1 ár	10%	
Myndavélar og linsur	1 ár	10%	
Reiðhjól	1 ár	20%	
Skíða- og viðlegubúnaður	1 ár	10%	
Frádráttur getur hæstur orðið 70%.			

- 19.4 Varðandi tölvur gildir sú sérregla að þær afskrifast um 10% af endurnýjunarverði fyrir hverja sex mánuði sem líða frá kaupdegi til tjónsdags. Tölvur 5 ára eða eldri bætast því ekki. Varðandi síma og spjaldtölvur og hvers konar önnur snjalltæki, ásamt fylgihlutum þeirra gildir sú sérregla að þessir munir afskrifast um 20% af endurnýjunarverði fyrir hverja sex mánuði sem líða frá kaupdegi til tjónsdags. Tæki eldri en 30 mánaða bætast því ekki.
- 19.5 Bætur vegna tjóns á filmum eða myndböndum takmarkast við verð á nýjum óáteknum filmum eða myndböndum. Minjagildi bætist ekki.
- 19.6 Félagið ákveður hvort tjón sé bætt með greiðslu peninga, með greiðslu kostnaðar vegna fullnægjandi viðgerðar, eða með því að afhenda tjónþola muni samsvarandi þeim sem tjón varð á.
- 19.7 Tjón á munum sem tilheyra pari eða samstæðu bætast hlutfallslega.
- 19.8 Ef tjón á mun er bætt sem altjón getur félagið krafist afhendingar á hinum vátryggða mun. Glataðir eða stolnir munir, sem koma fram eftir að bótagreiðsla hefur verið innt af hendi, eru eign félagsins og skal þeim skilað til þess.

## 20. Vátryggingarfjárhæð, undirtrygging og eigin áhætta.

- 20.1 Hámarksbætur vegna hvers tjónsatviks og samanlagt á vátryggingarárinu er sú vátryggingarfjárhæð sem tilgreind er á vátryggingarskírteini eða iðgjaldskvittun.
- 20.2 Nauðsynlegt er, að vátryggingarfjárhæðin sé í samræmi við verðmæti alls innbúsins.
- 20.3 Ef breytingar, aðrar en á vísitölu neysluverðs til verðtryggingar, verða á verðmæti innbús á vátryggingartímabilinu, er nauðsynlegt að vátryggður tilkynni félaginu það til þess að fullur bótaréttur haldist.
- 20.4 Ef heildarverðmæti hins vátryggða innbús er hærra en vátryggingarfjárhæðin, greiðir félagið aðeins hlutfallslegar bætur. Ef verðmæti innbús er til dæmis tvöfalt hærra en vátryggingarfjárhæðin, hefur það í för með sér að bætur, sem annars yrðu kr. (krónur) 1.000.000, verða aðeins kr. 500.000.
- 20.5 Hafi tjón á innbúi verið bætt, lækkar vátryggingarfjárhæðin um það sem bótunum nemur frá tjónsdegi til loka vátryggingartímabilsins.
- 20.6 Gegn hlutfallslegu viðbótariðgjaldi má þó hækka vátryggingarfjárhæðina í það sem hún var fyrir tjón.
- 20.7 Eigin áhætta vátryggðs vegna hvers tjónsatviks er sú fjárhæð sem nánar er tilgreind í skírteini eða iðgjaldskvittun.

104 Heimatrygging TM4 Síða 4 af 26



#### **VÁTRYGGINGARSKILMÁLAR**

## II. ÁBYRGÐARTRYGGING.

#### 21. Almennt um skaðabótaskyldu og ábyrgðartryggingu.

- 21.1 Samkvæmt íslenskum lögum bera menn bótaábyrgð á tjóni, sem þeir valda öðrum vegna mistaka eða vanrækslu. Þessi regla er nefnd sakarregla, og er hún grundvallarregla í íslenskum lögum eða réttarvenju. Ef sá, sem sóttur er til greiðslu bóta, á ekki sök á tjóninu, ber hann yfirleitt ekki bótaábyrgð.
- 21.2 Hlutverk ábyrgðartryggingar er að greiða skaðabætur fyrir vátryggðan, ef hann hefur bakað sér bótaábyrgð (að því leyti, sem tjónþoli á ekki að bera það sjálfur vegna meðsakar eða meðábyrgðar) og einnig að greiða kostnað, sem vátryggður verður fyrir, ef skaðabótakrafa er gerð á hendur honum.
- 21.3 Þar sem skaðabótaábyrgð að lögum er oft flókið álitaefni, ber vátryggðum að leita samráðs við félagið um réttarstöðu sína, sé hann krafinn bóta vegna tjóns, sem hann er talinn eiga sök á. Jafnframt er honum bent á að lesa eftirfarandi ábyrgðartryggingarskilmála með þetta í huga.
- 21.4 Viðurkenning vátryggðs á skaðabótaskyldu skuldbindur aðeins hann en ekki félagið. Vátryggður getur því með slíkri viðurkenningu átt það á hættu að þurfa sjálfur að greiða bætur vegna tjóns, sem ábyrgðartryggingin tekur ekki til.

## 22. Gildissvið ábyrgðartryggingarinnar.

- 22.1 Skaðabótaskylda að lögum. Félagið vátryggir gegn þeirri skaðabótaskyldu er fellur á vátryggðan sem einstakling (þ.e. (það er) utan atvinnurekstrar) samkvæmt íslenskum lögum, enda sé skaðabótaskyldan bein afleiðing af tjóni á mönnum eða munum (þ.m.t. fasteignum og dýrum) og ekki víðtækari en venjuleg skaðabótaskylda utan samninga. Vátryggingin bætir þó ekki skaðabótaskyldu sem fellur á vátryggðan vegna atvinnu hans, hvort sem um er að ræða eigin atvinnurekstur eða vinnu í þjónustu hjá öðrum.
- 22.2 Bætur umfram lagaskyldu. Valdi barn vátryggingartaka tjóni, sem ekki er bótaskylt að lögum, bætir félagið tjónið sé barnið yngra en 10 ára. Ef sá sem tjón bíður er meðvaldur eða meðábyrgur skerðist bótaréttur í samræmi við það. Vátryggingarvernd samkvæmt ákvæði þessu gildir ekki, þegar barnið er aðili að umferðartjóni og tjón verður á skráningarskyldu ökutæki í notkun.

## 23. Undanskildar áhættur.

- 23.1. Ábyrgðartryggingin bætir ekki tjón:
  - a. sem hinir vátrvagðu valda hveriir öðrum.
  - b. á munum, sem vátryggður hefur að láni, til leigu, geymslu eða eru af öðrum ástæðum í vörslu hans, þar á meðal munum, sem vátryggður hefur með höndum heimildarlaust,
  - c. sem vátryggður ber skaðabótaábyrgð á sem eigandi eða notandi skips, báts, loftfars, þ.m.t. dróna, skotvopna sem vátryggður hefur ekki skotvopnaleyfi fyrir, dýrs eða skráningarskylds vélknúins ökutækis.
  - d. sem stafar af eldsvoða, vatni vegna slökkvistarfs, reyk, sóti eða sprengingu,
  - e. vegna sekta, málskostnaðar eða annarra útgjalda í sambandi við refsimál,
  - f. vegna endurkröfu frá Tryggingastofnun ríkisins eða öðrum opinberum tryggingastofnunum,
  - g. sem fellur á vátryggðan sem eiganda húseignar eða húseignarhluta nema Fasteignatrygging sé í gildi sem viðbót við Heimatryggingu,
  - h. sem verður sökum mengunar lofts, jarðar, gróðurs, sjávar eða vatns, þó að því undanskildu ef tjónið verður rakið til eins ákveðins atburðar,
  - i. sem hlýst af langvarandi raka eða vatnsleka,
  - j. sem verður í fjallabruni á reiðhjóli og við þátttöku í hvers konar hjólreiðakeppni eða æfingum til undirbúnings fyrir hjólreiðakeppni.
- 23.2 Ef svo háttar til að í gildi er bæði Heimatrygging og Fasteignatrygging, sbr. g. lið 1. mgr., nær ábyrgðartryggingin jafnframt til ábyrgðar vátryggðs vegna tjóns sem verður í tengslum við minni háttar viðhald eignarinnar. Fari áætlaður kostnaður við verklegar framkvæmdir vegna viðhalds eignarinnar hins vegar fram úr 5% brunabótamats hennar, eða ef vinnupallar eru notaðir við framkvæmdirnar, ber að tilkynna félaginu um það, enda nær ábyrgðartryggingin ekki óbreytt til framkvæmda við slíkar aðstæður.

### 24. Landfræðileg takmörk og tímatakmörk.

24.1 Vátryggingin gildir á Íslandi svo og á ferðalagi hvar sem er í allt að 92 daga talið frá brottfarardegi.

104 Heimatrygging TM4 Síða 5 af 26



#### **VÁTRYGGINGARSKILMÁLAR**

- 24.2 Komi afleiðingar athafna eða athafnaleysis, sem tjón hefur hlotist af og átt hafa sér stað á vátryggingartímanum, ekki í ljós fyrr en vátryggingin er fallin úr gildi, greiðir félagið bætur samt sem áður. Á hinn bóginn greiðir félagið ekki bætur fyrir tjón, sem er afleiðing athafna eða athafnaleysis fyrir þann tíma er vátryggingin hófst, enda þótt tjónið komi ekki í ljós fyrr en á vátryggingartímanum.
- 24.3 Leiki vafi á því hvenær athafnaleysi hefur valdið tjóni, ber að telja að það hafi orðið, er athöfn hefði síðast getað farið fram til að afstýra tjóninu.

## 25. Vátryggingarfjárhæð og eigin áhætta vátryggðs.

- 25.1 Hámarksbætur vegna hvers tjónsatviks og samanlagt á vátryggingarárinu er sú fjárhæð sem tilgreind er á vátryggingarskírteini eða iðgjaldskvittun.
- 25.2 Auk bóta til tjónþola greiðir félagið kostnað við málsvörn, enda þótt þetta samanlagt nemi hærri fjárhæð en vátryggingarfjárhæðinni. Utan Norðurlanda takmarkast þó bótaskyldan við vátryggingarfjárhæðina.
- 25.3 Í hverju tjóni ber vátryggður 10% eigin áhættu, en með hámarki og lágmarki, sem fram kemur á vátryggingarskírteini eða iðgjaldskvittun.

#### III. SLYSATRYGGING Í FRÍTÍMA.

## 26. Inngangur og hugtakið slys.

- 26.1 Félagið greiðir bætur vegna slyss, sem vátryggður verður fyrir, eftir reglum þeim, sem nánar greinir í skilmálum bessum.
- 26.2 Með orðinu "slys" í skilmálum þessum er átt við skyndilegan, utanaðkomandi atburð sem veldur meiðslum á líkama vátryggðs og gerist án vilja hans.
- 26.3 Við meiðsli á útlimum er þess þó eingöngu krafist að um skyndilegan atburð sé að ræða sem veldur meiðslum á líkama vátryggðs og gerist án vilja hans. Útlimir eru samkvæmt skilmálum þessum griplimir, frá axlarlið að telja, og ganglimir frá mjaðmarlið.

#### 27. Gildissvið.

- 27.1 Vátryggingin gildir aðeins í frístundum vátryggðs, við heimilisstörf og við skólanám og greiðir félagið bætur vegna:
  - a. dauða
  - b. varanlegs líkamstjóns (varanlegrar örorku),
  - c. tímabundins missis starfsorku,
  - d. tannbrots og
  - e. sjúkrakostnaðar innanlands.

#### 28. Takmarkanir á gildissviði vátryggingarinnar.

- 28.1 Vátryggingin nær ekki til slysa sem vátryggður verður fyrir í starfi, hvort sem um er að ræða launað starf eða arðbært starf í eigin þágu sem atvinnuslysahætta fylgir né heldur þegar vátryggður er á beinni leið til eða frá vinnu.
- 28.2 Slysatrygging þessi greiðir ekki bætur vegna slysa af völdum vélknúins ökutækis sem skráningarskylt er á Íslandi, né slysa af völdum vélknúins ökutækis sem skráð er erlendis þar sem lögboðið er að vátryggja ökutækið vegna slíkra slysa.
- 28.3 Vátryggingin nær til slysa er verða við almennar íþróttaiðkanir. Undanskilin eru þó slys sem vátryggðir 16 ára og eldri verða fyrir vegna þátttöku í keppni eða æfingum til undirbúnings fyrir keppni í hvers konar íþróttum og vegna slysa skv. a. og b. lið gr. 28.4. Þessi takmörkun á þó ekki við um almenningsþátttöku í æfingum og keppni í golfi og víðavangs- og götuhlaupi.
- 28.4 Vátryggingin greiðir ekki bætur vegna slyss sem rakið verður til þátttöku vátryggðs í eftirfarandi athöfnum:
  - a. hnefaleikum, hvers konar glímu, akstursíþróttum, drekaflugi, svifflugi, fallhlífarstökki, teygjustökki, klettaklifri, fjallaklifri, ísklifri, bjargsigi eða froskköfun,
  - b. fjallabruni á reiðhjóli og hvers konar hjólreiðakeppnum.
  - c. flugi, nema vátryggður sé farþegi í áætlunar- eða leiguflugi á vegum aðila, sem hefur tilskilin leyfi flugmálayfirvalda,
  - d. handalögmáli, refsiverðum verknaði, neyslu deyfi- og/eða eiturlyfja,
  - e. ljósböðum, lækningameðferð eða lyfjanotkun, nema það sé að læknisráði vegna bótaskylds slyss.

104 Heimatrygging TM4 Síða 6 af 26



#### **VÁTRYGGINGARSKILMÁLAR**

- 28.5 Vátryggingin bætir heldur ekki tjón:
  - a. sem verður vegna matareitrunar, drykkjareitrunar eða neyslu nautnalyfja,
  - b. af völdum sýkingar af skordýrabiti eða -stungu,
  - vegna eitraðra lofttegunda, nema það hafi orðið skyndilega og án vilja vátryggðs.
- 28.6 Vátryggingin greiðir ekki bætur vegna slyss sem verður í fjallgöngu af hvaða tegund sem er ef hæð fjalls er meiri en 4.000 metrar frá sjávarmáli.

## 29. Aðrar takmarkanir á bótaskyldu.

- 29.1 Ef sjúkdómar, veiklun eða sjúklegt ástand vátryggðs eru meðorsakir dauða hans, greiðast engar dánarbætur. Þetta gildir hvort sem ástand þetta var til staðar þegar slysið varð, eða skapaðist síðar, án þess þó að vera beinlínis og einungis afleiðing af slysi, sem vátryggingin nær til.
- 29.2 Vátryggingin nær ekki til slyss, sem beint eða óbeint orsakast af sjóndepru, heyrnardeyfð, lömun, bæklun, flogaveiki, krampa, slagi, sykursýki eða öðrum alvarlegum sjúkdómum eða veiklun. Hafi slíkar ástæður verið þess meðvaldandi að vátryggður verður fyrir varanlegu líkamstjóni, er einungis greitt fyrir þann hluta líkamstjónsins sem ætla má að hann hefði orðið fyrir, ef þessar ástæður hefðu ekki komið til.
- 29.3 Jafnvel þótt slys verði talin sönnuð orsök greiðir félagið ekki bætur vegna eftirfarandi sjúkdóma eða sjúklegs ástands: brjóskloss, þursabits (lumbago ischias), liðagigtar, slitgigtar eða hvers konar annarra gigtarsjúkdóma.

#### 30. Landfræðileg mörk.

- 30.1 Vátryggingin gildir hvar sem er í heiminum.
- 30.2 Þrátt fyrir ákvæði gr. 1.1 gildir tryggingin fyrir námsmenn erlendis í allt að 92 daga eftir brottför frá Íslandi við upphaf náms.

#### 31. Ráðstafanir vegna slyss.

- 31.1 Slasaða ber að leita læknis strax eftir að slys hefur borið að höndum, gangast undir nauðsynlegar læknisaðgerðir og fara í öllu að fyrirmælum læknis.
- 31.2 Tilkynna skal slys þegar í stað til félagsins á þar til gerðum eyðublöðum félagsins, ef unnt er, en annars á annan hátt til bráðabirgða.
- 31.3 Þegar slys ber að höndum, er félaginu heimilt að láta trúnaðarlækni sinn skoða vátryggða, svo og að afla sér upplýsinga um fyrra heilsufar vátryggðs.
- 31.4 Deyi vátryggður af slysförum, á félagið rétt á að líkið verði krufið til að leidd verði í ljós dánarorsök og annað, sem máli getur skipt um bótaábyrgð félagsins.
- 31.5 Félagið greiðir nauðsynleg læknisvottorð.
- 31.6 Þegar læknishjálp lýkur eða þegar unnt er að dæma um afleiðingar slyssins skal senda félaginu læknisvottorð. Félagið aflar þá mats á afleiðingum slyssins í samráði við vátryggðan. Slíkt mat skal jafnan lagt til grundvallar við ákvörðun bóta úr vátryggingunni.

#### 32. Dánarbætur.

- 32.1 Valdi slys dauða vátryggðs innan eins árs frá slysdegi, greiðist maka eða sambýlismaka, sbr. gr.1.1 sú fjárhæð sem tilgreind er á vátryggingarskírteini eða endurnýjunarkvittun. Sé maki eða sambýlismaki vátryggðs eigi á lífi greiðast dánarbætur til barna vátryggðs. Sé vátryggður barn, greiðast dánarbætur til foreldra þess eða þess foreldris sem telst til vátryggðra skv. gr.1.1, ef þau bæði teljast ekki til vátryggðra. Dánarbætur greiðast að frádregnum bótum fyrir varanlegt líkamstjón sem félagið kann að hafa greitt vegna sama slyss.
- 32.2 Hafi vátryggður engan á framfæri sínu greiðast einungis 25% af dánarbótum slysatryggingar. Með framfæranda er átt við bann, sem sannanlega hefur barn eða fullorðinn einstakling á framfæri sínu.
- 32.3 Ef slasaði deyr af völdum slyssins, þegar meira en ár er liðið frá slysdegi, en áður en endanlegt örorkumat hefur farið fram, greiðast bætur samkvæmt bráðabirgðaörorkumati, þó aldrei hærri fjárhæð en dánarbætur mundu hafa verið.
- 32.4 Dánarbætur greiðast því aðeins að slysið sé bein og eina orsök þess að vátryggður deyr.

104 Heimatrygging TM4 Síða 7 af 26



#### **VÁTRYGGINGARSKILMÁLAR**

#### 33. Bætur fyrir varanlegt líkamstjón.

- 33.1 Valdi slys vátryggðum varanlegu líkamstjóni innan þriggja ára frá því að slysið varð, greiðast örorkubætur á grundvelli þeirrar fjárhæðar, sem var í gildi á slysdegi.
- 33.2 Örorku skal meta i hundraðshlutum samkvæmt töflum örorkunefndar um miskastig, sem í gildi eru þegar örorkumat fer fram. Meta skal skerðingu á líkamlegri færni án tillits til starfs, sérstakra hæfileika eða þjóðfélagsstöðu hins slasaða. Sé áverka hins slasaða ekki getið í töflum örorkunefndar um miskastig skal meta hann sérstaklega, með hliðsjón af töflunum. Örorka getur aldrei talist meiri en 100%.
- 33.3 Vegna 100% örorku greiðist öll vátryggingarfjárhæðin, en við minni örorku hlutfallslega, sbr. 9. mgr.
- 33.4 Missir eða bæklun á útlim eða líffæri, sem var ónothæft fyrir slysið, gefur ekki rétt til örorkubóta. Vegna missis eða bæklunar á útlim eða líffæri, sem áður var bæklað, skal meta örorku með hliðsjón af bækluninni fyrir slysið.
- 33.5 Örorkan ákveðst í fyrsta lagi einu ári eftir slysið með hliðsjón af ástandi slasaða þá. Telji slasaði eða félagið að örorkan geti breyst, getur hvor aðili um sig krafist þess að endanlegu örorkumati verði frestað, þó ekki lengur en í þrjú ár frá slysdegi.
- 33.6 Þótt gera megi ráð fyrir að ástand hins slasaða kunni að breytast, skal undantekningarlaust framkvæma örorkumat í síðasta lagi þremur árum eftir slysið. Í þessu tilfelli ber að ákveða örorkuna eins og gera má ráð fyrir að hún verði endanleg. Ef líkur eru til að ástand hins slasaða megi bæta með læknismeðferð eða þjálfun og hann veigrar sér við án gildra ástæðna að gangast undir slíka meðferð, ber samt sem áður við ákvörðun örorku að taka tillit til hugsanlegs bata sem slíkar aðgerðir kynnu að hafa í för með sér.
- 33.7 Ef slasaði deyr eftir að meira en ár er liðið frá slysdegi, en áður en endanlegt örorkumat hefur farið fram, greiðast bætur skv. bráðabirgðaörorkumati, sbr. 5. og 6. mgr.
- 33.8 Slys sem einungis valda lýti eru ekki bótaskyld.
- 33.9 Bætur vegna varanlegs líkamstjóns greiðast í hlutfalli við grunnvátryggingarfjárhæð, eins og hún er tilgreind á vátryggingarskírteini eða endurnýjunarkvittun og í gildi var á slysdegi, þó þannig að hvert örorkustig frá 26–50% vegur tvöfalt, hvert örorkustig frá 51–75% vegur fjórfalt og hvert örorkustig frá 76- 100% vegur sexfalt. Við 100% örorku verða bætur því 325% af grunnvátryggingarfjárhæð.

## 34. Bætur fyrir tímabundinn missi starfsorku.

- 34.1 Valdi slys tímabundnum missi starfsorku, greiðir félagið dagpeninga í samræmi við þá fjárhæð sem í gildi var á slysdegi og tilgreind er á vátryggingarskírteini eða endurnýjunarkvittun.
- 34.2 Dagpeningar greiðast í hlutfalli við starfsorkumissi vátryggðs frá lokum biðtíma þar til hann hefur endurheimt starfsorku sína, þó ekki lengur en í þann hámarksbótatíma sem fram kemur í vátryggingarskírteini eða endurnýjunarkvittun og ekki fyrir tímabil að loknum þremur árum frá slysdegi. Með biðtíma er átt við það tímabil sem samkvæmt vátryggingarskírteini eða endurnýjunarkvittun á að líða frá upphafi óvinnufærni áður en dagpeningagreiðslur hefjast.
- 34.3 Stafi starfsorkumissir slasaða að einhverju leyti af öðrum orsökum en slysinu, lækka dagpeningar í beinu hlutfalli við það hvern þátt þessar orsakir eiga í missi starfsorkunnar.
- 34.4 Félagið bætir ekki tímabundinn starfsorkumissi sem er minni en 50% af eðlilegri starfsorku. Félagið metur starfsorkumissinn og hversu lengi hann varir á grundvelli læknisvottorða og annarra gagna sem fyrir liggja.
- 34.5 Félagið greiðir ekki bætur fyrir tímabundinn starfsorkumissi eftir að hann er orðinn varanlegur samkvæmt læknisvottorði eða örorkumati.

#### 35. Bætur vegna tannbrots.

- 35.1 Félagið greiðir viðgerðir á heilbrigðum og vel viðgerðum tönnum, sem brotna eða laskast við slys. Greiðsla félagsins takmarkast þó við 7,5% af grunnvátryggingarfjárhæð örorkutryggingarinnar vegna hvers slyss og samanlagðar greiðslur vegna slysa á einu vátryggingarári við 11,5% af sömu fjárhæð.
- 35.2 Félagið bætir þó ekki brot á tönnum sem ber að höndum þegar vátryggður matast. Þá bætist ekki tjón svo sem vegna brota á tönnum við vinnuslys eða vegna annarra atvika að því marki sem það bætist af opinberum tryggingastofnunum samkvæmt lögum um almannatryggingar og reglugerðum um þátttöku hins opinbera í kostnaði við tannlækningar.

104 Heimatrygging TM4 Síða 8 af 26



## **VÁTRYGGINGARSKILMÁLAR**

#### 36. Sjúkrakostnaður innanlands.

36.1 Félagið greiðir hlut sjúklings í innlendum sjúkrakostnaði vegna bótaskylds slyss gegn framvísun frumrits af reikningum. Með innlendum sjúkrakostnaði er átt við kostnað vegna læknismeðferðar sem viðurkennd er af Sjúkratryggingum Íslands. Eigin áhætta og hámarksbætur í hvejru einstöku tjóni og á hverju vátryggingartímabili koma fram á vátryggingarskírteini eða endurnýjunarkvittun.

#### 37. Aldursmörk.

37.1 Sé vátryggður eldri en 60 ára, er hann slasast, verða örorkubætur eftirtaldir hundraðshlutar af grunnvátryggingarfjárhæð eins og hún er tilgreind á skírteini eða endurnýjunarkvittun:

61 árs 95%	62 ára 90%	63 ára 85%		
64 ára 80%	65 ára 75%	66 ára 70%		
67 ára 65%	68 ára 60%	69 ára 55%		
70 ára 50%	71 árs 45%	72 ára 40%		
73 ára 35%	74 ára 30%	75 ára 25%		
76 ára og eldri 20%				

37.2 Börn yngri en 16 ára og einstaklingar 67 ára og eldri eru ekki vátryggð gegn tímabundnum missi starfsorku og ekki fyrir hærri dánarbótum en sem nemur 25% af dánarbótum slysatryggingar.

#### 38. Vísitölubinding bótafjárhæða.

- 38.1 Bótafjárhæðir reiknast á grundvelli vátryggingarfjárhæða á slysdegi en breytast með vísitölu neysluverðs til verðtryggingar eins og hér segir:
  - a. Dánarbætur breytast í réttu hlutfalli við breytingu vísitölunnar frá slysdegi til dánardags.
  - b. Örorkubætur vegna varanlegs líkamstjóns breytast í réttu hlutfalli við breytingu vísitölunnar frá slysdegi til uppgjörsdags. Vísitölubinding örorkubóta varir þó aldrei lengur en í þrjú ár frá slysdegi.
  - c. Dagpeningar breytast á hverjum tíma í réttu hlutfalli við breytingu vísitölunnar frá slysdegi.

## IV. UMÖNNUNARTRYGGING BARNA

## 39. Vátryggingarsvið.

- 39.1 Ef sjúkdómur eða slys hefur í för með sér að barn vátryggingartaka, 15 ára og yngra, þarf að dveljast á sjúkrahúsi í 5 samfellda daga eða lengur greiðir tryggingin bætur fyrir hvern dag frá komudegi.
- 39.2 Bótatími er að hámarki 180 dagar vegna sama sjúkdóms eða slyss. Sjúkdómar með læknisfræðileg tengsl teljast eitt og sama sjúkdómstilfellið.
- 39.3 Ef bætur hafa verið greiddar samkvæmt 1. mgr. og vátryggður leggst aftur inn á sjúkrahús innan tólf mánaða frá lokum fyrri sjúkrahúsdvalar, vegna sama sjúkdóms eða slyss, á hann rétt til bóta frá komudegi ef bótadagarnir 180 eru ekki fullnýttir.

### 40. Vátryggingin bætir ekki.

- 40.1 Vátryggingin nær ekki til sjúkdóma sem eru fyrir hendi við fæðingu eða greinast innan þriggja mánaða frá fæðingu.
- 40.2 Vátryggingin nær ekki til sjúkdóma sem voru til staðar þegar vátryggingin var tekin eða til slysa sem áttu sér stað áður en vátryggingin var tekin.
- 40.3 Vátryggingin nær ekki til sjúkdóma eða slysa sem áttu sér stað áður en vátryggður öðlaðist vátryggingarvernd samkvæmt vátryggingunni.

#### 41. Ákvörðun bótaskyldu.

41.1 Áður en hægt er að taka ákvörðun um bótaskyldu vegna sjúkdóms eða slyss verður að liggja fyrir vottorð læknis um hvenær sjúkdómurinn var fyrst greindur, eða hvenær og hvernig slys átti sér stað.

#### 42. Greiðsla bóta.

- 42.1 Bætur eru greiddar til forráðamanns barnsins þegar fyrir liggur skriflegt læknisvottorð sem staðfestir lengd og ástæðu sjúkrahúsdvalar vátryggðs.
- 42.2 Bætur vegna sjúkrahúsdvalar eftir að vátryggingin er fallin úr gildi eru ekki greiddar.

104 Heimatrygging TM4 Síða 9 af 26



## **VÁTRYGGINGARSKILMÁLAR**

- 43. Vátryggingarfjárhæð.
- 43.1 Vátryggingarfjárhæð kemur fram á vátryggingarskírteini eða endurnýjunarkvittun.
- V. SJÚKRAHÚSLEGUTRYGGING
- 44. Hverjir eru vátryggðir?
- 44.1 Vátryggðir eru þeir sem tilgreindir eru í gr. 1.1.
- 45. Landfræðileg mörk.
- 45.1 Vátryggingin gildir vegna bótaskyldra atvika sem verða á Íslandi og á ferðalagi erlendis í allt að 92 daga talið frá brottfarardegi frá Íslandi.
- 46. Vátryggingarsvið.
- 46.1 Félagið greiðir bætur að tiltekinni fjárhæð fyrir hvern sólarhring umfram 5 sólarhringa sem vátryggður verður að dvelja samfellt á sjúkrahúsi vegna sjúkdóms eða slyss og innan hvers vátryggingatímabils.
- 46.2 Bótatími er að hámarki 180 dagar vegna sama sjúkdómstilfellis eða slyss. Sjúkdómar með læknisfræðileg tengsl teljast eitt og sama sjúkdómstilfellið.
- 46.3 Félagið greiðir kostnað vegna nauðsynlegra læknisvottorða í tengslum við vátryggingaratburð þegar þeirra er aflað að beiðni félagsins.
- 46.4 Bætur greiðast aðeins ef innlögn á sér stað á gildistíma vátryggingarinnar.

#### 47. Vátryggingin bætir ekki.

- 47.1 Bætur greiðast ekki þegar sjúkrahúsdvöl verður rakin til eftirtalinna atvika:
  - a. sjúkdóma/veikinda sem fyrst höfðu sýnt einkenni áður en vátryggingin var tekin eða vátryggður öðlaðist vátryggingarvernd samkvæmt vátryggingunni,
  - b. slyss sem átti sér stað áður en vátryggingin var tekin eða vátryggður öðlaðist vátryggingarvernd samkvæmt vátryggingunni,
  - c. innlagnar sem hefst innan 90 daga eftir að vátryggingin var tekin eða vátryggður öðlaðist vátryggingarvernd samkvæmt vátryggingunni nema innlögn sé vegna slyss sem ekki fellur undir b. lið hér að framan.
  - d. meðferðar er felur í sér blóðskilun eða vegna meðferðar í tengslum við hana,
  - e. sjúkrahúsdvalar sem orsakast af flogaveikiköstum af hvaða tegund sem er,
  - f. sjúkrahúsdvalar vegna hvers konar kvíða, geðsjúkdóma, elliglapa, Alzheimer, meðferðar á geðdeild eða geðhjúkrunarheimilum,
  - g. þungunar, fósturmissis (nema sem afleiðing slyss), eða barnsfæðingar og / eða meðferðar sem tengist fæðingarhjálp fyrir og eftir fæðingu,
  - h. fóstureyðingar, ófrjósemi, ófrjósemisaðgerða sem og frjósemisaðgerða og getnaðarvarna,
  - i. innlagnar sem er ekki talin læknisfræðilega nauðsynleg, né heldur vistunar sem fer fram á náttúrulækningar-, hressingar-, endurhæfingar- og hjúkrunarheimilum, öldrunarstofnunum og sambærilegum stofnunum,
  - j. innlagnar sem er eingöngu vegna sjúkdómsgreiningar, röntgenmyndatöku eða almennrar læknisskoðunar,
  - k. innlagnar sem á sér stað til forvarnar eða bað- og/eða hvíldarlækningar sem og innlagnar vegna ofþyngdar, þyngdarlækkunar, þyngdarlagfæringar, ofáts eða lystarstols,
  - I. neyslu lyfja, áfengis eða annarra ávana- eða fíkniefna og heldur ekki vegna sjúkdóma eða slyss sem beint eða óbeint má rekja til neyslu lyfja, áfengis eða annarra ávana- eða fíkniefna,
  - m. þátttöku vátryggðs við að klífa fjall, í bjargsigi, hnefaleikum, hvers konar glímu- og bardagaíþróttum, akstursíþróttum, drekaflugi, svifflugi, fallhlífarstökki, froskköfun og teygjustökki,
  - n. flugslyss nema vátryggður sé farþegi í áætlunar- eða leiguflugi á vegum aðila sem hefur tilskilin leyfi hlutaðeigandi flugmálayfirvalda,
  - o. þátttöku vátryggðs í handalögmálum eða í refsiverðum verknaði,
  - p. þátttöku vátryggðs í keppni eða við æfingar til undirbúnings fyrir keppni í hvers konar íþróttum,
  - q. fæðingargalla hvort heldur um er að ræða líkamlega eða andlega né heldur meðfæddra sjúkdóma,

104 Heimatrygging TM4



## **VÁTRYGGINGARSKILMÁLAR**

- r. fegrunar- eða lýtaaðgerða, nema slík innlögn sé vegna slyss sem orðið hefur á vátryggingartímabilinu og meðferð fer fram innan 6 mánaða eftir slys nema aðaltilgangur meðferðar sé að endurhæfa líkamshluta sem varð fyrir tjóni og slíkt líkamsástand er ekki að öðru leyti undanþegið í skilmálum. Félagið greiðir bætur fyrir sjúkrahúsdvöl vegna brjóstauppbyggingar sem framkvæmd er í framhaldi af brjóstafjarlægingu vegna krabbameins. Lagfæring á brjóstaígræðslu sem þegar er til staðar fellur ekki undir vátrygginguna,
- s. kynsjúkdóma, alnæmisveirusmits og allra smitandi sjúkdóma sem krefjast einangrunar eða sóttkvíar að lögum,
- t. innlagnar, sem beint eða óbeint leiðir af eða tengist:
  - i. sýkingu, sem felur m.a. í sér mótefni gegn HIV eða alnæmisveirunni eða er afleiðing þeirrar sýkingar eða annarra sjúkdóma, lyfja eða heilkenna sem valda ónæmisbælingu,
  - ii. sjúkdómi eða veikindum sem beint eða óbeint stafar af slíku smiti, sjúkdómi eða heilkenni,
  - iii. sjúkrahúsdvöl eftir að vátrygging er fallin úr gildi,
- u. tannaðgerða eða meðferða þ.m.t. skurðaðgerða á munnholi og tannúrdrátta,
- v. slysa sem vátryggður verður fyrir í starfi, hvort sem um er að ræða launað starf eða arðbært starf í eigin þágu sem atvinnuslysahætta fylgir.
- w. slysa af völdum vélknúins ökutækis sem skráningarskylt er á Íslandi né slysa af völdum vélknúins ökutækis sem skráð er erlendis þar sem lögboðið er að vátryggja ökutækið vegna slíkra slysa.

## 48. Ákvörðun bóta.

- 48.1 Áður en hægt er að taka ákvörðun um bótaskyldu og fjárhæð bóta vegna sjúkrahúsdvalar verður að liggja fyrir vottorð læknis vegna ástæðu dvalarinnar þ. á m. um hvenær sjúkdómurinn var fyrst greindur, upphaf veikinda og hvenær og hvernig slys átti sér stað og lengd dvalarinnar.
- 48.2 Bætur greiðast í einu lagi eftir að sjúkrahúsdvöl lýkur.

## 49. Vátryggingarfjárhæð.

49.1 Vátryggingarfjárhæð, bæði hvað varðar fjárhæð bóta fyrir hvern bótaskyldan dag og heildarbótafjárhæð á tímabilinu, kemur fram í vátryggingarskírteini eða endurnýjunarkvittun.

#### 50. Aldurstakmörk.

50.1 Vátryggingin gildir fyrir 16 ára og eldri en þó ekki lengur en til 60 ára aldurs vátryggðs.

#### VI. GREIÐSLUKORTATRYGGING

## 51. Bótasvið og landfræðileg mörk.

- 51.1 Allt að tiltekinni fjárhæð, sem tilgreind er í vátryggingarskírteini eða iðgjaldskvittun, bætir vátrygging þessi á vátryggingartímabilinu tjón sem hlýst af því að greiðslukort hins vátryggða tapast og óviðkomandi aðili notar það með sviksamlegum hætti. Það er skilyrði fyrir bótum að vátryggður hafi farið í einu og öllu eftir reglum útgefanda greiðslukortsins og hafi tilkynnt honum hvarfið tafarlaust. Að öðrum kosti geta bætur fallið niður í heild eða að hluta.
- 51.2 Vátryggingin gildir á Íslandi svo og á ferðalögum erlendis.

## VII. MÁLSKOSTNAÐARTRYGGING

#### 52. Inngangur.

- 52.1 Hlutverk Málskostnaðartryggingarinnar er að greiða málskostnað vegna ágreinings í einkamálum. Það er skilyrði vátryggingarverndar að óskað sé aðstoðar lögmanns.
- 52.2 Lögmaðurinn skal tilkynna félaginu þegar hann hefur tekið að sér málið áður en frekar er aðhafst í því. Lögmaðurinn getur þó framkvæmt það í málinu, sem ekki þolir bið.
- 52.3 Félaginu ber skylda til að tilkynna vátryggðum hvort málið falli undir Málskostnaðartrygginguna eftir að fullnægjandi upplýsingar hafa borist um málið.

#### 53. Nánari afmörkun á bótasviði vátryggingarinnar.

53.1 Vátryggingin tekur til ágreinings sem snertir vátryggðan sem einstakling og kemur til úrlausnar héraðsdóms, Landsréttar eða Hæstaréttar hér á landi og er til lykta leiddur með dómi, úrskurði eða dómsátt gerðri skv.

104 Heimatrygging TM4 Síða 11 af 26



#### VÁTRYGGINGARSKILMÁLAR

- 109. gr. laga um meðferð einkamála nr. 91/1991. Sé um að tefla ágreining, sem ekki verður vísað til dómstóla nema að undangenginni málsmeðferð á öðrum vettvangi, tekur vátryggingin einungis til kostnaðar sem til er stofnað að lokinni slíkri meðferð. Vátryggingin tekur einnig til endurupptöku, þó því aðeins að endurupptaka sé heimiluð og skilyrði 57. gr. séu fyrir hendi.
- 53.2 Vátryggingin tekur ekki til sakamála og ekki heldur til ágreinings, sem aðeins getur komið til úrskurðar framkvæmdavalds eða sérdómstóla.

## 54. Málskostnaður sem vátryggingin bætir ekki.

- 54.1 Vátryggingin bætir ekki málskostnað vegna ágreiningsmála sem nánar eru tilgreind hér á eftir í 2. til 12. mgr.
- 54.2 Sem varðar hjónaskilnað eða mál sem upp kunna að koma í sambandi við hjónaskilnað. Sama gildir um mál vegna sambúðarslita og önnur mál sem varða ágreining um forræði barna og umgengnisrétt.
- 54.3 Sem er í tengslum við atvinnu eða embætti vátryggðs.
- 54.4 Sem varðar ábyrgð sem vátryggður hefur gengið í.
- 54.5 Sem varðar fjárhagslegar ráðstafanir sem eru óvenjulegar eða óvenju umfangsmiklar fyrir einstakling eða sem stafa af því að einstaklingur gengur í ábyrgð fyrir annan.
- 54.6 Sem varðar kröfu eða annað tilkall sem framselt hefur verið hinum vátryggða.
- 54.7 Sem varðar vátryggðan sem eiganda fasteignar.
- 54.8 Sem varðar vátryggðan sem eiganda, notanda eða stjórnanda vélknúins farartækis, hjólhýsis, fellihýsis eða annarra tengivagna, loftfars, skips, gufubáts, vélbáts eða seglskútu.
- 54.9 Sem varðar skaðabætur eða aðrar kröfur sem varða verknað sem leiðir til gruns eða ákæru á hendur vátryggðum vegna brots sem er saknæmt.
- 54.10 Sem varðar víxilmál og innheimtumál gegn vátryggðum þar sem krafa er óumdeild eða óumdeilanleg og mál sem snúast um gjaldþrota- eða nauðasamninga þar sem vátryggður er sjálfur gjaldþrota eða leitar nauðasamninga.
- 54.11 Ef ekki eru fyrir hendi réttmætir hagsmunir af því að fá dóm í málinu. Slíkir hagsmunir verða t.d. (til dæmis) ekki taldir vera fyrir hendi, ef umsókn um gjafsókn hefur af þeirri ástæðu verið hafnað eða veiting gjafsóknar verið afturkölluð.

#### 55. Val á málflytjanda.

55.1 Það er skilyrði bótaskyldu að vátryggður hafi leitað sér aðstoðar lögmanns sem tekið hefur málið að sér. Vátryggður velur sjálfur lögmann meðal félaga í Lögmannafélagi Íslands. Lögmaður getur ekki farið sjálfur með eigið mál án samþykkis félagsins.

### 56. Bótagreiðslur.

- 56.1 Þegar ágreiningsmál skv. gr. 53.1. hefur verið til lykta leitt greiðir félagið nauðsynlegan og eðlilegan lögmanns- og málskostnað, sbr. 3. mgr., sem vátryggður getur ekki fengið greiddan frá mótaðila eða hinu opinbera. Vátryggðum er skylt að láta reyna á að fá málskostnað greiddan frá hinu opinbera, t.d. að leita umsagnar gjafsóknarnefndar, nema augljóst sé að hann uppfylli ekki skilyrði til þess.
- 56.2 Komi upp ágreiningur um réttmæti málflutningsþóknunar ber vátryggðum að leggja ágreininginn fyrir úrskurðarnefnd LMFÍ skv. 26. gr. laga um lögmenn nr. 77/1998.

#### 56.3 Félagið greiðir:

- a. þóknun lögmanns og kostnað,
- b. kostnað við að afla álitsgerða, ef lögmaður vátryggðs biður um álitsgerðina áður en til dómsmáls kemur eða augljóst má telja að dómur yrði ekki lagður á mál án þess háttar álitsgerðar,
- c. kostnað við leiðslu vitna eða aðra sönnunarfærslu fyrir dómstólum,
- d. réttargjöld,
- e. málskostnað sem vátryggður er dæmdur eða úrskurðaður til að greiða gagnaðila af dómstóli við lok máls,
- f. málskostnað sem vátryggður tekur á sig með dómsátt að greiða gagnaðila ef augljóst er að dómstóll hefði dæmt hann til að greiða hærri málskostnað ef dómur hefði gengið.

## 56.4 Ekki eru greiddar bætur vegna:

- a. eigin vinnu, tekjuskerðingar, ferða- og dvalarkostnaðar og annars kostnaðar vátryggðs,
- b. fullnustu dóms, úrskurðar eða sáttar,
- c. aukakostnaðar sem stafar af því að fengnir eru fleiri lögmenn eða skipt er um lögmann,

104 Heimatrygging TM4



#### **VÁTRYGGINGARSKILMÁLAR**

 d. aukakostnaðar sem stafar af því að vátryggður eða lögmaður hans gerist sekur um vanrækslu í málarekstrinum eða hefur að öðru leyti sýnt af sér vanrækslu.

## 57. Frekari skilyrði þess að málskostnaður verði greiddur.

- 57.1 Hægt er að fara fram á að málskostnaður verði greiddur ef vátryggingin er í gildi þegar ágreiningur kemur upp og hún hafi þá verið í gildi í að minnsta kosti tvö samliggjandi ár hjá félaginu. Hafi vátryggður haft sams konar vátryggingu hjá öðru félagi fær hann þá vátryggingu reiknaða sér til góða.
- 57.2 Þrátt fyrir ákvæði 1. mgr. getur vátryggður samt sem áður fengið greiddan málskostnað ef þeir atburðir eða þau atvik, sem liggja til grundvallar kröfunni, hafa gerst eftir að vátryggingin tók gildi.
- 57.3 Ef vátryggður hefur ekki lengur Málskostnaðartryggingu eða sambærilega vátryggingu þegar ágreiningur kemur upp, getur hann þrátt fyrir það fengið málskostnað greiddan úr vátryggingu þessari ef hún hefur verið í gildi þegar þeir atburðir eða þau atvik sem liggja til grundvallar kröfunni gerðust og ekki eru liðin fjögur ár frá atburðinum eða atvikinu.

## 58. Landfræðileg mörk.

58.1 Vátryggingin gildir vegna bótaskyldra atvika sem verða á Íslandi og á ferðalagi erlendis í allt að 92 samfellda ferðadaga talið frá brottfarardegi.

## 59. Vátryggingarfjárhæð.

- 59.1 Hámarksbætur vegna hvers tjónsatviks og samanlagt á vátryggingarárinu er sú vátryggingarfjárhæð Málskostnaðartryggingar sem tilgreind er á vátryggingarskírteini eða iðgjaldskvittun. Bætur geta þó aldrei orðið hærri en sem nemur fjárhæð þeirra hagsmuna sem ágreiningur er uppi um.
- 59.2 Um eitt tjónsatvik telst vera að ræða ef hinir vátryggðu eiga aðild sömu megin að ágreiningi eða máli. Ef vátryggður á í fleiri ágreiningsmálum, skulu slík mál talin eitt tjónsatvik svo fremi að kröfur þær sem uppi eru hafðar séu í meginatriðum af sömu rót.

#### 60. Eigin áhætta vátryggðs.

60.1 Vegna hvers tjónsatviks ber vátryggður eigin áhættu sem er tilgreind á vátryggingarskírteini eða iðgjaldskvittun.

#### 61. Endurkrafa.

61.1 Að svo miklu leyti sem bætur vegna vátryggingarinnar hafa verið greiddar eignast félagið rétt hins vátryggða til málskostnaðar frá gagnaðila eða hinu opinbera.

## Valkvæðar tryggingar

### VIII. FORFALLATRYGGING. (Valkvæð, skildagi 13)

#### 62. Hverjir eru vátryggðir?

- 62.1 Vátryggðir eru þeir sem tilgreindir eru í gr.1.1.
- 62.2 Einnig eru börn vátryggingartaka og/eða maka hans sem eru yngri en 16 ára vátryggð þótt þau eigi lögheimili á öðrum stað en vátryggingartaki, þegar þau hyggjast fara í ferðalag til útlanda í umsjá vátryggingartaka og/eða maka hans.

#### 63. Vátryggingarsvið.

- 63.1 Vátryggingin bætir ferðakostnað, sem greiddur er fyrirfram eða samið er um fyrirframgreiðslu á og ekki fæst endurgreiddur, allt að vátryggingarfjárhæð vegna ferðar sem hinn vátryggði kemst ekki í ef ástæða er ein af eftirfarandi:
  - a. andlát, líkamsmeiðsl, veikindi, barnsburður eða sóttkví hins vátryggða enda vottað af starfandi lækni,
  - b. að náinn ættingi eða náinn samstarfsmaður:
    - i. andist
    - ii. hljóti alvarleg líkamsmeiðsl, eða veikist alvarlega, enda sé það vottað af starfandi lækni,
  - c. verulegt eignatjón á heimili vátryggðs eða í einkafyrirtæki hans sem gerir nærveru vátryggðs nauðsynlega enda liggi lögregluskýrsla fyrir um atburð og samráð verið haft við félagið um hvort nauðsynlegt sé að hætta við ferð,

104 Heimatrygging TM4 Síða 13 af 26



## **VÁTRYGGINGARSKILMÁLAR**

- d. vitnaskylda fyrir dómi,
- forföll vegna starfa sem vátryggður getur ekki vikið sér undan að vinna skv. lögum um skyldusóttkví eða ef komið er í veg fyrir ferð vegna opinberra hafta er leiða af farsótt,
- f. röskun er leiðir til a.m.k. 12 klst. tafar á brottför almenningsfarartækis hins vátryggða á útleið skv. ferðaáætlun er honum hefur verið látin í té,
- g. rán flutningsfars.
- 63.2 Tilvik skv. 1 málsgrein skulu vera þess eðlis að óhjákvæmilegt sé að afturkalla áður gerða pöntun.
- 63.3 Vátryggingin bætir ekki:
  - a. tjón vegna hvers kyns veikinda og sjúkdóma, sem vátryggður þjáðist af og var í meðferð vegna, þegar staðfestingargjald var greitt,
  - b. sjúkdóma sem verða á 9. mánuði meðgöngutíma,
  - tjón vegna alvarlegs slyss sem átti sér stað áður en vátrygging var tekin eða var þegar orðið þegar ferðakostnaður var greiddur,
  - d. tjón sem stafa beint eða óbeint af eftirfarandi:
    - i. tilskipun stjórnvalda (nema þeim er varða skyldusóttkví).
    - ii. yfirsjónum eða vanrækslu aðila er annast flutning eða gistingu eða yfirsjón umboðsmanns sem annaðist skipulagningu ferðarinnar,
    - iii. tregðu vátryggðs til að ferðast eða af bágum fjárhag hans,
    - iv. útgjöldum sem ferðaskrifstofu, gistihúsi eða flugfélagi ber að greiða,
    - v. breytingu á fyrirhuguðum sumarleyfistíma,
    - vi. aukagjöldum sem ferðaskrifstofa leggur á og hækka grundvöll verðskrár hennar,
  - tjón sem stafa af því að vanrækt er að tilkynna ferðaskrifstofu eða þeim aðila sem útvegar flutningsfar eða gistingu að nauðsynlegt hafi reynst að hætta við ferð,
  - f. tjón sem hlýst af því að vátryggður hefur ekki skráð sig til brottferðar samkvæmt ferðaáætlun sem honum hefur verið látin í té enda hafi breyting á áætlunartíma ekki verið staðfest af flugfélagi eða ferðaskrifstofu.
  - g. tjón sem stafa af því að flugvél eða skip er tekið úr þjónustu til bráðabirgða eða á annan hátt samkvæmt tilskipun opinbers aðila,
  - h. tjón sem stafa af verkfallsaðgerðum sem vitað var, þegar staðfestingargjald var greitt, að hefjast myndi fyrir brottför,
  - i. tjón sem stafa af fjárhagserfiðleikum eða gjaldþroti ferðaskrifstofu og annarra slíkra aðila sem annast farþegaflutninga.

#### 64. Vátryggingarfjárhæð.

64.1 Vátryggingarfjárhæð, þ. á m. hámarksbótafjárhæð fyrir hvern hinna vátryggðu í hverjum vátryggingaratburði fyrir sig, kemur fram í vátryggingarskírteini eða endurnýjunarkvittun.

#### 65. Ákvörðun bóta.

- 65.1 Vátryggður skal leggja fram nauðsynleg gögn vegna kröfu um bætur, t.d. læknisvottorð, ferðareikning og kvittun fyrir greiðslu á ferðakostnaði.
- 65.2 Framvísa ber læknisvottorði á þar til gerðu eyðublaði félagsins.
- 65.3 Vátryggður skal ekki hagnast á vátryggingaratburði. Vátryggingin skal einungis bæta raunverulegt tjón vátryggðs.
- 65.4 Ef vátryggður greiðir sérstakt forfallagjald eða annað sambærilegt gjald hjá ferðasala eða sé það innheimt af honum við kaup ferðar í því skyni að endurgreiða ferðakostnað vegna forfalla, greiðast engar bætur úr þessari vátryggingu.
- 65.5 Bætur úr vátryggingu þessari eru greiddar vegna forfalla sem verða fram að brottför frá heimili vátryggðs.

#### 66. Tvítrygging.

66.1 Ef fleiri en eitt vátryggingarfélag bera ábyrgð á tjóni skulu þau, sé ekki um annað samið, greiða bætur hlutfallslega eftir ábyrgð hvers þeirra um sig á tjóninu.

104 Heimatrygging TM4 Síða 14 af 26



## **VÁTRYGGINGARSKILMÁLAR**

## IX. FARANGURSTRYGGING. (Valkvæð, skildagi 2)

## 67. Hverjir eru vátryggðir?

- 67.1 Vátryggðir eru þeir sem tilgreindir eru í gr. 1.1.
- 67.2 Einnig eru börn vátryggingartaka og/eða maka hans sem eru yngri en 16 ára vátryggð þótt þau eigi lögheimili á öðrum stað en vátryggingartaki, þegar þau eru á ferðalagi erlendis í umsjá vátryggingartaka og/eða maka hans.

## 68. Tjón sem vátryggingin bætir.

68.1 Vátryggingin bætir tjón sem verður á hinum vátryggða farangri af völdum bruna, þjófnaðar, ráns og innbrots, flutningsslyss, skemmdarverka, svo og ef hið vátryggða týnist alveg í flutningi, þó með þeim takmörkunum, sem um getur í skilmálum þessum. Með flutningsslysi er átt við atvik þegar ökutæki, flugvél, skipi eða báti hlekkist á og það veldur tjóni á hinum vátryggðu munum. Ennfremur merkir það tjón á munum í vörslu flutningsaðila.

#### 69. Vátryggðir munir.

69.1 Vátryggðir eru persónulegir lausafjármunir sem hinir vátryggðu hafa með sér á ferðalagi.

## 70. Takmarkanir á gildissviði vátryggingarinnar.

#### 70.1 Vátryggingin bætir ekki:

- a. peninga, ávísanir, ferðatékka, farseðla, verðbréf eða neins konar skjöl,
- b. tjón, þ.m.t. eftir atvikum innri skemmdir s.s. (svo sem) vélrænar bilanir, skammhlaup og aðrar skemmdir á rafkerfum, á brothættum eða viðkvæmum hlutum, svo sem útvarpstækjum, hljómplötum, geisladiskum, segulbandstækjum, myndbandstækjum, myndavélum, myndbandsupptökuvélum, gleraugum, postulíni, glervöru eða myndastyttum, nema tjónið orsakist af bruna, þjófnaði eða af því að flutningstæki hlekkist á,
- c. rispur, beyglur, mar eða núning, sem ekki rýra notagildi hins vátryggða,
- d. skemmdir á farangri vegna vökva og matvæla, sem höfð eru í farangri, nema farartæki hlekkist á,
- e. töf vegna aðgerða opinberra aðila eða löghalds tollyfirvalda.
- f. tjón á munum, sem skemmast í notkun, t.d. skíðum og öðrum íþróttaáhöldum,
- g. tjón á hlutum sem stolið er úr ólæstum híbýlum, geymslum, bifreiðum og bátum,
- h. tjón á hlutum sem vátryggður gleymir, týnir, misleggur eða skildir eru eftir á almannafæri t.d. afgreiðslum flutningsaðila, baðstöðum, tjaldstæðum, almennum snyrtiherbergjum o.s.frv.
- tjón sem stafar af ónógum eða lélegum umbúðum, sliti eða rýrnun, meindýrum eða eðlisbreytingum hluta.
- j. tjón á ferðatöskum í vörslu flutningsaðila.

### 71. Landfræðileg mörk.

- 71.1 Vátryggingin gildir á ferðalagi erlendis í allt að 92 samfellda ferðadaga frá brottfarardegi frá Íslandi og heim aftur.
- 71.2 Vátryggingin gildir ekki þegar vátryggður stundar nám eða vinnu erlendis ef nám eða störf vara lengur en 92 daga. Vátryggingin gildir þó á ferðalagi til og frá Íslandi.

#### 72. Varúðarregla.

72.1 Vátryggður skal gæta farangurs síns vel og gera nauðsynlegar ráðstafanir, eftir því sem við verður komið, til að koma í veg fyrir tjón. Brot gegn þessu getur leitt til þess að ábyrgð félagsins falli niður í heild eða að hluta.

## 73. Vátryggingarfjárhæð.

73.1 Bætur vegna hvers tjónsatviks og samanlagt á vátryggingarárinu geta að hámarki numið 7% af vátryggingarfjárhæð Innbústryggingar eins og hún er á hverjum tíma.

104 Heimatrygging TM4 Síða 15 af 26



## **VÁTRYGGINGARSKILMÁLAR**

## 74. Ákvörðun bóta.

74.1 Bætur eru greiddar í samræmi við þær reglur, sem gilda um Innbústrygginguna. Bætur vegna hvers einstaks hlutar takmarkast við 15% vátryggingarfjárhæðar Farangurstryggingarinnar. (Vegna þessa getur vátryggður þurft að kaupa sér viðbótarfarangurstryggingu, fari verðmæti farangursins fram úr þessum fjárhæðum.)

#### 75. Eigin áhætta.

75.1 Vátryggður ber 25% eigin áhættu í hverju tjóni, en þó aldrei lægri en sem nemur þeirri fjárhæð sem tilgreind er í vátryggingarskírteini eða iðgjaldskvittun.

#### X. FARANGURSTAFARTRYGGING (Valkvæð, skildagi 2)

#### 76. Hverjir eru vátryggðir?

- 76.1 Vátryggðir eru þeir sem tilgreindir eru í grein 1.1.
- 76.2 Einnig eru börn vátryggingartaka og/eða maka hans sem eru yngri en 16 ára vátryggð þótt þau eigi lögheimili á öðrum stað en vátryggingartaki, þegar þau eru í ferðalagi erlendis í umsjá vátryggingartaka og/eða maka hans.

#### 77. Gildissvið.

- 77.1 Vátryggingin gildir vegna tafar á afhendingu farangurs á áfangastað í áætlunar- eða leiguflugi í ferð sem varir allt að 92 samfellda daga frá upphafi ferðar frá Íslandi.
- 77.2 Vátryggingin gildir ekki þegar vátryggður stundar nám eða vinnu erlendis lengur en 92 daga og töfin verður á áfangastað þar sem vátryggður stundar nám eða störf.

#### 78. Vátryggingarsvið.

- 78.1 Fái vátryggður farangur sinn ekki afhentan innan 12 klukkustunda eftir að á áfangastað er komið, vegna tafa eða rangrar afgreiðslu, greiðast bætur til kaupa á nauðsynjum fyrir hvern vátryggðan 16 ára og eldri.
- 78.2 Bætur greiðast til barna yngri en 16 ára ef þau ferðast án samfylgdar forráðamanna.
- 78.3 Bætur greiðast ekki vegna tafa á farangri þegar vátryggður er á heimleið
- 78.4 Bætur úr þessari vátryggingu fást greiddar án þess að leggja þurfi fram reikninga fyrir útlögðum kostnaði.

## 79. Varúðarregla.

79.1 Vátryggður skal haga ferðatíma sínum þannig að tímamörk fyrir tengiflug séu ekki þrengri en lágmörk viðkomandi flugfélags/flugvallar kveða á um og athugasemd er gerð um í farbókun. Brot gegn þessu getur leitt til þess að ábyrgð félagsins fellur niður í heild eða að hluta.

#### 80. Vátryggingarfjárhæð.

80. 1 Vátryggingafjárhæðir, þ.e. hámarksbætur sem greiddar eru úr vátryggingunni á hverju tímabili og fyrir hvern vátryggðan í hverjum vátryggingaratburði, koma fram í vátryggingarskírteini eða endurnýjunarkvittun.

#### 81. Tilkynning til flugfélags vegna tjóns.

81.1 Týnist farangur í flugi eða á meðan farangur er í vörslu flugfélags er tjónþola skylt að tilkynna tapið strax við lendingu til afgreiðslu flugfélagsins á þar til gerðu eyðublaði (P.I.R. skýrslu). Tjónþola ber að framvísa til félagsins skriflegri staðfestingu frá flugfélaginu þar sem tímalengd tafar kemur skýrt fram.

#### 82. Tvítrygging.

82.1 Ef fleiri en eitt vátryggingarfélag bera ábyrgð á tjóni skulu þau, sé ekki um annað samið, greiða bætur hlutfallslega eftir ábyrgð hvers þeirra um sig á tjóninu.

#### XI. SJÚKRAKOSTNAÐAR- OG FERÐAROFSTRYGGING ERLENDIS. (Valkvæð, skildagi 1)

## 83. Hverjir eru vátryggðir?

83.1 Vátryggðir eru þeir sem tilgreindir eru í gr. 1.1.

104 Heimatrygging TM4 Síða 16 af 26



## **VÁTRYGGINGARSKILMÁLAR**

83.2 Einnig eru börn vátryggingartaka og/eða maka hans sem eru yngri en 16 ára vátryggð þótt þau eigi lögheimili á öðrum stað en vátryggingartaki, þegar þau eru á ferðalagi erlendis í umsjá vátryggingartaka og/eða maka hans.

#### 84. Vátryggingarsvið.

- 84.1 Félagið greiðir kostnað, á ferðalagi erlendis í allt að 92 samfellda ferðadaga frá upphafi ferðar frá Íslandi, vegna slyss, sjúkdóms eða fráfalls vátryggðs sem verða í frítíma eins og segir nánar í 85. til 91. gr. hér á eftir.
- 84.2 Félagið greiðir kostnað sem verður á ferðalagi erlendis vegna starfa í allt að 92 samfellda ferðadaga frá upphafi ferðar frá Íslandi ef það tengist viðskiptum án atvinnuáhættu s.s. fundahöldum, ráðstefnum eða námskeiðum.
- 84.3 Vátryggingin gildir ekki þegar vátryggður stundar nám eða vinnu erlendis ef nám eða störf vara lengur en 92 daga. Vátryggingin gildir þó á ferðalagi til og frá Íslandi.

## 85. Sjúkrakostnaður sem vátryggingin bætir.

- 85.1 Vátryggingin greiðir vátryggðum bætur fyrir kostnað sem nánar er tilgreindur hér á eftir í 2. til 9. mgr.
- 85.2 Sjúkrahúsvist ásamt læknishjálp, lyfjum og annarri þjónustu, sem sjúkrahúsið veitir. Vistin og meðferðin skulu vera fyrirskipuð af lækni og greiðslan miðast við almennt sjúkrahús í viðkomandi landi.
- 85.3 Læknishjálp og lyf að læknisráði.
- 85.4 Kvalastillandi tannviðgerðir (aðeins í neyðartilvikum), þó aldrei meiri en 1% af vátryggingarfjárhæðinni.
- 85.5 Aukaútgjöld vegna sérstakrar hótelvistar, þegar læknir álítur að meðferð geti farið fram á hóteli. Til þessara útgjalda telst kostnaður vegna hjúkrunar, sjúkrafæðis o.s.frv. (og svo framvegis), þó ekki meiri en 1% af vátryggingarfjárhæðinni á dag.
- 85.6 Aukaútgjöld vegna heimferðar eða ferðar til þess að ná fyrirfram ákveðinni ferðaáætlun vegna tafar af völdum sjúkravistar vátryggðs að læknisráði og í samráði við neyðarþjónustu félagsins ásamt ferðakostnaði fylgdarmanns, telji læknirinn slíks þörf.
- 85.7 Telji læknir sá, sem annast hefur vátryggðan, að heimferð með venjulegum farartækjum sé nauðsynleg og fullnægjandi, nægir félaginu skrifleg staðfesting hans. Í slíkum tilvikum greiðast aukaútgjöld vegna heimferðarinnar, t.d. aukasæti, dýrari farrými o.s.frv. Ef um svo alvarlegt sjúkdóms- eða slysatilfelli er að ræða að læknirinn telur að flytja verði vátryggðan heim með öðrum hætti skal neyðarþjónustu félagsins falið að annast flutninginn.
- 85.8 Látist vátryggður á ferð sinni, skal neyðarþjónustu félagsins falið að annast flutning hins látna til Íslands og samferðamanns hans og kostnað við lögboðnar ráðstafanir.
- 85.9 Slasist vátryggður eða veikist alvarlega eða hann fellur frá á ferð sinni, greiðir félagið ferða- og dvalarkostnað náins ættingja, sem kvaddur er til dvalarstaðar hans, í samráði við neyðarþjónustu félagsins. Hámark bóta félagsins vegna hvers tjónsatviks, sem undir þennan lið fellur, nemur 8,5% af vátryggingarfjárhæð sjúkrakostnaðartryggingarinnar, sbr. gr. 91.1.

#### 86 Endurgreiðsla orlofsferðar.

- 86.1 Sé dvöl rofin samkvæmt fyrirmælum læknis um flutning heim á fyrri hluta dvalartímans eða legið sé á sjúkrahúsi a.m.k. helming hans, greiðir félagið verð það sem vátryggður greiddi fyrir ferð sína fyrir upphaf hennar. Skilyrði greiðslu er að einvörðungu hafi verið um orlofsferð að ræða.
- 86.2 Eftir að ferð er hálfnuð endurgreiðir félagið hlutfallslega óafturkræfan ferðakostnað vátryggðs fyrir þann hluta ferðarinnar, sem vátryggður getur ekki notað vegna þess að hann þarf samkvæmt skriflegu læknisráði og með samþykki félagsins og neyðarþjónustu þess að rjúfa ferð og fara heim eða að hann þarf að liggja á sjúkrahúsi vegna þess að hann hefur orðið alvarlega veikur eða orðið fyrir alvarlegu slysi.
- 86.3 Hámark bóta vegna hvers tjónsatviks, sem fellur undir 1. og 2. mgr., nemur 8,5% af vátryggingarfjárhæð sjúkrakostnaðartryggingarinnar, sbr. gr. 88.1.
- 86.4 Bætur vegna tjónsatviks, sem fellur undir 2. mgr., greiðast einungis vegna ferðar sem varir í sex daga eða lengur og greiðast einungis fyrir þann sjúka og þá vátryggðu sem þurfa nauðsynlega að rjúfa ferð og fylgja honum heim.

104 Heimatrygging TM4 Síða 17 af 26



## **VÁTRYGGINGARSKILMÁLAR**

#### 87. Ferðarof.

- 87.1 Félagið greiðir nauðsynleg viðbótarútgjöld vegna heimferðar til Íslands, ef sá sem vátryggður er neyðist til að rjúfa utanlandsdvöl sína vegna:
  - andláts, alvarlegs slyss eða skyndilegra alvarlegra veikinda maka, sambýlismaka, barna, foreldra, systkina, tengdaforeldra eða tengdabarna þess, sem vátryggður er;
  - b. verulegs eignatjóns á heimili þess, sem vátryggður er, eða í einkafyrirtæki hans, sem gerir nærveru hans nauðsynlega.
- 87.2 Félagið greiðir hvorki ónýttan hluta ferðakostnaðar né nýja utanferð í stað þeirrar sem rofin var.
- 87.3 Hámark bóta félagsins vegna hvers tjónsatviks, sem fellur undir 1. mgr., nemur 8,5% af vátryggingarfjárhæð sjúkrakostnaðartryggingarinnar, sbr. 91.1.

#### 88. Takmarkanir á gildissviði vátryggingarinnar.

- 88.1 Vátryggingin bætir ekki kostnað sem rakinn verður til eftirfarandi:
  - a. lyfja án læknisráðs,
  - b. sjúkdóma er verða á níunda mánuði meðgöngutíma og leiða af fæðingu eða fósturláti, né heldur sjúkdóma vegna fóstureyðingar,
  - c. sjúkdóma eða slysa sem eiga rót sína að rekja til neyslu áfengis, ávana- eða fíknilyfja,
  - d. langvinnra sjúkdóma og slysa sem vátryggður hefur notið læknishjálpar við á síðustu tólf mánuðum,
  - e. áframhaldandi meðferðar, ef vátryggður neitar að láta flytja sig heim að ráði læknis þess sem hefur stundað hann og/eða neyðarþjónustu félagsins.
  - f. meðferðar erlendis lengur en þrjá mánuði,
  - g. kaupa á hvers konar stoð- og hjálpartækjum, svo sem gervilimum, gervitönnum, gleraugum, augnlinsum, heyrnartækjum o.s.frv.
- 88.2 Þær takmarkanir á bótaskyldu, sem gilda um Slysatryggingu frítíma og tilgreindar eru í gr. 27.2, 28 og 29, gilda einnig um þessa vátryggingu eftir því sem við á. Þó greiðir félagið bætur sem stafa af sjúkdómi, slysi eða fráfalli vátryggðs af völdum matareitrunar, drykkjareitrunar eða sýkingar vegna skordýrabits eða stungu.

## 89. Ráðstafanir til að varnar tjóni.

89.1 Vátryggður skal í einu og öllu fylgja fyrirmælum þess læknis sem hefur stundað hann, svo og neyðarþjónustu félagsins. Félagið greiðir ekki aukakostnað sem af því hlýst að slíkum fyrirmælum er ekki fylgt.

#### 90. Bótafrádráttur.

90.1 Félagið greiðir aðeins kostnað skv. gr. 85, að því marki sem hann fæst ekki greiddur af öðrum aðila, t.d. (til dæmis) sjúkrasamlagi eða Tryggingastofnun ríkisins.

## 91 Vátryggingarfjárhæð og eigin áhætta.

- 91.1 Hámarksbætur vegna hvers tjónsatviks og samanlagt á vátryggingarárinu er sú vátryggingarfjárhæð Sjúkrakostnaðar- og ferðarofstryggingar sem tilgreind er á vátryggingarskírteini eða iðgjaldskvittun.
- 91.2 Vátryggður ber enga eigin áhættu.

#### XII. INNBÚSKASKÓ (Valkvæð, skildagi 12)

#### 92. Gildissvið.

- 92.1 Víðtæka innbúsvernd er unnt að kaupa til viðbótar við þá vernd sem veitt er í Innbústryggingu Heimatryggingarinnar. Slík vernd ber heitið Innbúskaskó.
- 92.2 Vátryggingin tekur til tjóns á vátryggðum lausafjármunum af völdum skyndilegs og ófyrirsjáanlegs utanaðkomandi atviks á vátryggingartímabilinu. Það er skilyrði fyrir bótum úr vátryggingunni að tjónið sé ekki bótaskylt úr Innbústryggingu Heimatryggingarinnar. Þá bætir vátryggingin ekki þann hluta tjóns sem ekki fæst bættur úr Heimatryggingunni sökum þess að bótafjárhæð er þar háð takmörkunum.

104 Heimatrygging TM4 Síða 18 af 26



## **VÁTRYGGINGARSKILMÁLAR**

#### 93. Vátryggðir munir.

- 93.1 Vátryggingin tekur til tjóns sem verður á almennu innbúi og persónulegum lausafjármunum vátryggðs, sbr.
  1. tölulið í upptalningu vátryggðra muna á yfirlitsmynd yfir vátryggingarsvið Innbústryggingarinnar. Einnig nær vátryggingin til tjóns á þeim munum sem taldir eru upp í 2., 3. og 5. tölulið á yfirlitsmyndinni. Vátryggingin tekur hins vegar ekki til tjóns á peningum, verðbréfum, handritum, frumteikningum og mynt- og frímerkjasöfnum, sbr. 4. tölulið á yfirlitsmyndinni, né verkfærum skv. 6. tölulið. Þá tekur tryggingin ekki til tjóns á munum sem taldir eru upp í gr. 16.1.
- 93.2 Vátryggingin tekur einnig til mótorknúinna tómstundaáhalda skv. gr. 15.3. í innbústryggingu.

### 94. Landfræðileg mörk.

94.1 Vátryggingin gildir á Íslandi og á ferðalagi erlendis í allt að 92 ferðadaga frá brottfarardegi frá Íslandi.

#### 95. Undanskildar áhættur.

- 95.1 Vátryggingin bætir ekki tjón:
  - a. þegar hið vátryggða týnist, gleymist, misleggst eða er skilið eftir á almannafæri,
  - b. vegna þjófnaðar,
  - c. af völdum snöggra hita- og/eða rakabreytinga,
  - d. af völdum eðlilegs slits eða ófullnægjandi viðhalds,
  - e. af völdum galla, útlitsgalla, samsetningargalla eða bilana,
  - f. af völdum heimilisdýra.

#### 96. Varúðarregla

96.1 Vátryggður skal fylgja notkunarleiðbeiningum sem gilda um vátryggða muni, ella getur ábyrgð félagsins fallið niður í heild eða að hluta sbr. 26. gr. laga um vátryggingasamninga.

### 97. Vátryggingarfjárhæð.

97.1 Hámarksbætur vegna hvers tjónsatviks og samanlagt á vátryggingarárinu er sú vátryggingarfjárhæð fyrir Innbúskaskó sem tilgreind er á vátryggingarskírteini eða iðgjaldskvittun. Hámarksbætur vegna hvers reiðhjóls eru þó að hámarki kr. 250.000.

#### 98. Eigin áhætta.

98.1 Eigin áhætta vátryggðs vegna hvers tjónsatviks er hin sama og gildir í Innbústryggingu Heimatryggingarinnar, sbr. grein 20.7, og er nánar tilgreind á skírteini eða iðgjaldskvittun.

#### 99. Önnur ákvæði.

99.1 Um vátryggingu þessa gilda að öðru leyti skilmálar Heimatryggingarinnar eftir því sem við á.

#### XIII. ÁFALLAHJÁLP

#### 100. Hverjir eru vátryggðir?

- 100.1 Vátryggðir eru þeir sem eru tilgreindir í gr. 1.1
- 100.2 Einnig eru börn vátryggingartaka og/eða maka hans sem eru 18 ára og yngri vátryggð þótt þau eigi lögheimili á öðrum stað en vátryggingartaki og eru í umsjá vátryggingartaka og/eða maka hans þegar tjónsatvik verður.
- 100.3 Þau börn, sem um getur í gr. 100.2, eiga ennfremur rétt á áfallahjálp ef vátryggingartaki og/eða maki hans greinast með alvarlegan sjúkdóm, lenda í alvarlegum slysum eða láta lífið þó svo þau séu ekki í umsjá vátryggingartaka og/eða maka hans þegar tjónsatvik verður.

### 101. Hvað er áfallahjálp?

101.1 Áfallahjálp er sálfræðilegur stuðningur við einstaklinga eða hópa sem fundið hafa fyrir sterkri vanlíðan eða ótta vegna tjónsatviks sem er svo ógnandi eða yfirþyrmandi að ætla má að fólki muni reynast erfitt að vinna úr henni án aðstoðar.

104 Heimatrygging TM4 Síða 19 af 26



## **VÁTRYGGINGARSKILMÁLAR**

#### 102. Vátryggingarsvið

- 102.1 Áfallahjálp býðst vátryggðum þegar svo háttar til hjá honum sem segir í gr. 101.1 af völdum eftirtaldra tjónsatvika sem verða eftir að vátryggingin tók gildi:
  - a. vátryggður hefur lent í yfirvofandi lífshættu,
  - b. vátryggður hefur lent í alvarlegu slysi eða á beinan hlut að slíku slysi,
  - c. brotist er inn á heimili vátryggðs,
  - d. heimili vátryggðs verður fyrir stórtjóni,
  - e. vátryggður greinist með alvarlegan sjúkdóm, svo og ef börn, maki eða foreldrar vátryggðs 65 ára eða yngri greinast með alvarlegan sjúkdóm, lenda í alvarlegum slysum eða láta lífið.

#### 103. Takmarkanir á gildissviði vátryggingarinnar

- 103.1 Ekki er boðið upp á áfallahjálp vegna langvarandi vanlíðan eða langvarandi erfiðleika.
- 103.2 Áfallahjálp greiðist ekki úr vátryggingu þessari vegna erfiðleika sem tengjast ekki ákveðnu tjónsatviki skv. a.e. liðum í gr. 102.1.
- 103.3 Áfallahjálp býðst vátryggðum í allt að sex vikur frá tjónsatviki.

## 104. Landfræðileg mörk

104.1 Áfallahjálp býðst vátryggðum vegna bótaskyldra tjónsatvika sem verða á Íslandi og á ferðalagi erlendis í ferð sem varir í allt að 92 daga.

#### 105. Bótasvið

- 105.1 Félagið greiðir allt að tvö viðtöl hjá meðferðaraðilum áfallahjálpar sem félagið sér um að útvega.
- 105.2 Félagið þarf að samþykkja viðtal vegna áfallahjálpar áður en það hefst.
- 105.3 Viðtöl vegna áfallahjálpar geta aðeins farið fram á Íslandi.
- 105.4 Þó að almenn áfallahjálp sé veitt eftir tjónsatvik þá fellur ekki niður réttur vátryggðs til áfallahjálpar úr þessari tryggingu.
- 105.5 Áfallahjálp úr þessari vátryggingu er veitt á starfsstöð meðferðaraðila, ekki á vettvangi tjónsatviks.
- 105.6 Aðeins er greiddur kostnaður vegna viðtala, annar kostnaður svo sem ferðakostnaður er ekki innifalinn í vátryggingunni.

#### XIV. HEIMAGISTINGARTRYGGING (Valkvæð, skildagi nr. 14)

#### 106. Gildissvið

- 106.1 Vátryggingin tekur til þjófnaðar og skemmdarverka á vátryggðum munum af völdum þeirra sem dveljast í íbúðinni á vegum leigjenda meðan á heimagistingu stendur samkvæmt lögum um veitingastaði, gististaði og skemmtanahald nr. 85/2007. Þá tekur vátryggingin til þjófnaðar og skemmdarverka á vátryggðum munum við innbrot í húsnæði sem vátryggður leigir til heimagistingar og er það skilyrði greiðsluskyldu félagsins að á vettvangi séu greinileg og ótvíræð merki þess að brotist hafi verið inn.
- 106.2 Vátryggingin gildir á því heimili sem tilgreint er sem vátryggingarstaður í vátryggingarskírteini enda sé það skráð til heimagistingar hjá sýslumanni í samræmi við lög nr. 85/2007 er vátryggingaratburður verður.

## 107 Vátryggðir munir

- 107.1 Vátryggingin tekur til tjóns sem verður á almennu innbúi og persónulegum lausafjármunum vátryggðs, sbr. 1. tölulið í upptalningu vátryggðra muna á yfirlitsmynd yfir vátryggingarsvið innbústryggingar heimatryggingar. Einnig nær vátryggingin til tjóns á þeim munum sem taldir eru upp í 2. og 5. tölulið á yfirlitsmyndinni.
- 107.2 Vátryggingin tekur hins vegar ekki til tjóns á skartgripum, sbr. 3. tölulið á yfirlitsmyndinni; á peningum verðbréfum, handritum, frumteikningum og mynt- og frímerkjasöfnum, sbr. 4. tölulið á yfirlitsmynd, né verkfærum, varahlutum og áhöldum skv. 6. tölulið yfirlitsmyndar

## 108. Vátryggingarfjárhæð, undirtrygging og eigin áhætta.

108.1 Hámarksbætur vegna hvers tjónsatviks og samanlagt á vátryggingartímabilinu er sú vátryggingarfjárhæð sem tilgreind er á vátryggingarskírteini eða iðgjaldskvittun. Bætur vegna hvers einstaks hlutar eru þó að hámarki 500.000 kr. en 250.000 kr. vegna hvers reiðhjóls, barnavagns eða barnakerru.

104 Heimatrygging TM4 Síða 20 af 26



#### **VÁTRYGGINGARSKILMÁLAR**

- 108.2 Ef heildarverðmæti hins vátryggða innbús er hærra en vátryggingarfjárhæðin, greiðir félagið aðeins hlutfallslegar bætur. Ef verðmæti innbús er til dæmis tvöfalt hærra en vátryggingarfjárhæðin, hefur það í för með sér að bætur, sem annars yrðu kr. 1.000.000, verða aðeins kr. 500.000.
- 108.3 Hafi tjón á innbúi verið bætt, lækkar vátryggingarfjárhæðin um það sem bótunum nemur frá tjónsdegi til loka vátryggingartímabilsins. Gegn hlutfallslegu viðbótariðgjaldi má þó hækka vátryggingarfjárhæðina í það sem hún var fyrir tjón.
- 108.4 Eigin áhætta vátryggðs vegna hvers tjónsatviks er sú fjárhæð sem er tilgreind í vátryggingarskírteini eða iðgjaldskvittun.

#### 109. Tilkynning um tjón.

109.1 Um tilkynningu til félagsins og til lögreglu fer samkvæmt 5. gr. vátryggingarskilmála eftir því sem við á.

#### 110. Ákvörðun bóta.

110.1 Um ákvörðun bóta fer samkvæmt 19. gr. vátryggingarskilmálanna.

#### Skráning í tjónagrunn Creditinfo Lánstrausts hf.

Tjón sem tilkynnt eru til vátryggingafélaga eru skráð í sérstakan tjónagrunn sem rekinn er af Creditinfo Lánstrausts hf. samkvæmt samningi við Samtök fjármálafyrirtækja (SFF) sem félagið á aðild að og samkvæmt heimild Persónuverndar. Félagið telst ábyrgðaraðili í skilningi persónuverndarlaga nr. 90/2018 vegna skráningar þess á upplýsingum í grunninn og uppflettingum sem framkvæmdar eru á vegum þess. Tilgangur með skráningu í tjónagrunninn er að stemma stigu við vátryggingarsvikum og ofgreiðslu vátryggingabóta. Skráðar eru upplýsingar um kennitölu tjónþola, tjónsnúmer, tegund vátryggingar og tjóns, dagsetning tjóns og skráningar, staðsetning tjóns og eftir atvikum einkvæmt númer hins vátryggða, s.s. skráningarnúmer ökutækis. Við skráningu tjóns fær félagið yfirlit yfir öll tjón sem tjónþoli hefur tilkynnt óháð félagi og skráð hafa verið í tjónagrunninn. Eingöngu starfsmenn félagsins sem skrá tjón og vinna að tjónauppgjöri hafa aðgang að tjónagrunninum. Upplýsingum skal eytt úr tjónagrunni þegar þeirra gerist ekki lengur þörf í þágu tilgangs vinnslunnar, í síðasta lagi þegar 10 ár eru frá skráningu upplýsinganna.

Skilmálar þessir gilda frá 2. maí 2019.

104 Heimatrygging TM4 Síða 21 af 26

# 104 Heimatrygging TM4 Yfirlitsmynd - Vátryggingarsvið innbústryggingar

	A B C		С	D		
	Bruni	Skammhlaup	Umferðaróhöpp	Innbrotsþjófnaður		
Vátryggingin tekur til eftirtalinna tjónsatvika:	■ Bruna, eldsvoða, eldingar, sprengingar, skyndilegs sótfalls frá kynditækjum. ■ Hraps loftfars eða hluta frá því.	■ Skemmda á rafmagnstækjum vegna skammhlaups í þeim.	■ Skemmda á innbúi sem er í ökutæki er lendir í umferðaróhappi.	■ Þjófnaðar við innbrot í læsta íbúð, bifreið, einkabát, einkaloftfar, sumarhús eða hjólhýsi. Það er skilyrði greiðsluskyldu að á vettvangi séu greinileg og ótvíræð merki þess að brotist hafi verið inn.		
Undanþágur og takmarkanir:	Vátryggingin bætir	Vátryggingin bætir		Vátryggingin bætir ekki:		
	sviðnar frá straujárni, frá glóð vegna tóbaksreykinga,	má til slits, ónógs viðhalds eða rangrar samsetningar. ■ Tjón sem rekja má til bilunar hjá	búferlaflutninga er að ræða. ■ Tjón á munum þegar flutt er gegn gjaldi. ■ Tjón sem fást bætt úr öðrum	■ Tjón vegna þjófnaðar úr íbúð sem ekki hefur verið búið í, í meira en 6 mánuði. Sama á við um hjólhýsi og sumarhús þegar ekki er búið í þeim. ■ Tjón vegna þjófnaðar úr húsnæði eða farartækjum sem vátryggður leigir öðrum. ■ Tjón vegna þjófnaðar úr ólæstum vistarverum eða farartækjum. ■ Tjón vegna þjófnaðar á eða úr tjöldum eða tjaldvögnum. ■ Tjón vegna þjófnaðar sem framinn er af einhverjum hinna vátryggðu eða með vitneskju einhvers þeirra.		
Vátryggðir munir:		■ Aðeins		■ Hámark 5% af		
1) Almennt innbú og persónulegir		rafmagnstæki eða		vátryggingarfjárhæðinni í:		
lausafjármunir vátryggðs sem fylgja almennu heimilishaldi og teljast ekki vera hluti af		hlutir tilheyrandi beim.		a) geymslum utan íbúðarhúsnæðis,		
fasteign eða almennu fylgifé hennar.		point.		<b>b)</b> útihúsum eða bílskúrum.		
				■ Hámarksbætur vegna þjófnaðar á geisladiskum úr bifreiðum eru kr. 30.000 í hverju einstöku tjóni (þegar eigin áhætta hefur verið dregin frá).		
Sérgreint innbú:		■ Aðeins myndspilari,		■ Ekki í:		
2) Málverk, listaverk, myndavélar, myndupptökutæki, myndspilarar, sjónaukar, hljóðfæri, hljómtæki, sjónvörp, útvörp, segulbandstæki, tölvur, fjarskipta- og staðsetningartæki.		hljómtæki sjónvörp, útvörp, segulbandstæki og tölvur eða hlutir tilheyrandi þeim.		<ul> <li>a) geymslum utan íbúðarhúsnæðis, b) útihúsum eða bílskúrum.</li> </ul>		
<ol> <li>Skartgripir, úr, hámark 5% vátryggingarfjárhæðar.</li> </ol>						
4) Peningar, verðbréf, handrit, frumteikningar,				■ Ekki í:		
mynt- og frímerkjasöfn. Hámark 1% vátryggingarfjárhæðar, hver liður.				a) geymslum utan íbúðarhúsnæðis,		
				b) útihúsum eða bílskúrum,		
				<ul><li>c) íbúðarhúsnæði sem ekki hefur verið búið í , í meira en 2 mánuði.</li></ul>		
<ol> <li>Læst reiðhjól, barnavagnar og barnakerrur. Hámarksbætur vegna tjóns á reiðhjóli eru kr. 250.000 (þegar eigin áhætta hefur verið dregin frá).</li> </ol>						
<b>6)</b> Verkfæri, varahlutir og áhöld, sem vátryggður á og notar sem launþegi við atvinnu sína. Hámark 5% vátryggingarfjárhæðar.				■ Þó ekki úr vinnuskúrum.		

# 104 Heimatrygging TM4 Yfirlitsmynd - Vátryggingarsvið innbústryggingar

	F	F	G	Н
	Þjófnaður	r Rán	Skemmdarverk	Útstreymi vökva
Vátryggingin tekur til eftirtalinna tjónsatvika:	■ Þjófnaður úr grunnskóla eða ólæstri íbúð. Vegna tjóns úr grunnskóla gildir vátryggingin einungis vegna eigna nemenda.	■ Töku vátryggðra muna með líkamlegu ofbeldi eða hótun um að beita því þegar í stað.	■ Skemmda á vátryggðum munum sem valdið er af ásetningi í kjölfar innbrota.	■ Skemmda af völdum vatns, olíu eða annars vökva sem skyndilega og óvænt streymir úr leiðslum hússins og tækjum tengdum þeim, vatnsrúmum eða fiskabúrum, þó ekki niðurföllum eða þakrennum.
Undanþágur og takmarkanir:	Vátryggingin bætir ekki:		Vátryggingin bætir	Vátryggingin bætir ekki:
	■ Tjón sem verður þegar vátryggður gleymir hlut, týnir honum eða fer þannig með að við missi mætti búast. ■ Tjón vegna þjófnaðar úr mannlausri íbúð eða úr íbúð sem vátryggður leigir öðrum. ■ Tjón vegna þjófnaðar sem framinn er af einhverjum hinna vátryggðu eða með vitneskju einhvers þeirra ■ Þjófnaður af hendi aðila sem einhver hinna vátryggðu hafa boðið inn á heimili sitt.		ekki: ■ Tjón á munum sem voru utan dyra annars staðar en á lóð við heimili vátryggðs. ■ Tjón af völdum vátryggðs sjálfs eða einhvers þess sem heimild hefur til veru á heimili vátryggðs.	■ Tjón af völdum utanaðkomandi vatns svo sem grunnvatns, úrkomu, flóða eða snjóbráðar eða vatns sem þrýstist upp úr skolpleiðslum. Vátryggingin bætir þó slíkar skemmdir ef þær verða beinlínis raktar til þess að leiðsla stíflast eða springur innanhúss.
Vátryggðir munir:	■ Hámark 5% af vátryggingarfjárhæðinni.		■ Hámark 5% af	
1) Almennt innbú og persónulegir lausafjármunir vátryggðs sem fylgja almennu heimilishaldi og teljast ekki vera hluti af fasteign eða almennu fylgifé hennar.	Eigin áhætta vegna þjófnaðar úr grunnskóla er kr. 10.900.		vátryggingarfjárhæðinn i í:  a) geymslum utan íbúðarhúsnæðis, b) útihúsum eða bílskúrum,	
			c) utan dyra.	
Sérgreint innbú:  2) Málverk, listaverk, myndavélar, myndupptökutæki, myndspilarar, sjónaukar, hljóðfæri, hljómtæki, sjónvörp, útvörp, segulbandstæki, tölvur, fjarskipta- og staðsetningartæki.	■ Hámark 5% af vátryggingarfjárhæðinni.		■ Ekki í:  a) geymslum utan íbúðarhúsnæðis, b) útihúsum, c) utan dyra	
<b>3)</b> Skartgripir, úr, hámark 5% vátryggingarfjárhæðar.				
<b>4)</b> Peningar, verðbréf, handrit, frumteikningar, mynt- og frímerkjasöfn. Hámark 1% vátryggingarfjárhæðar, hver liður.				
5) Læst reiðhjól, barnavagnar og barnakerrur. Hámarksbætur vegna tjóns á reiðhjóli eru kr. 250.000 (þegar eigin áhætta hefur verið dregin frá).	<ul> <li>■ Eigin áhætta er 25% í hverju tjóni, þó að lágmarki sú eigin áhætta sem gildir í innbúslið og tilgreind er á skírteini.</li> <li>■ Sé ekki lagður fram reikningur sem sannar kaupdag, tegund og verðmæti reiðhjóls greiðast ekki hærri bætur en kr. 50.000 (þegar eigin áhætta hefur verið dregin frá).</li> </ul>		■ Eigin áhætta er 25% í hverju tjóni, þó að lágmarki sú eigin áhætta sem gildir í innbúslið og tilgreind er á skírteini.	
6) Verkfæri, varahlutir og áhöld, sem vátryggður á og notar sem launþegi við atvinnu sína. Hámark 5% vátryggingarfjárhæðar.			■ Aðeins í tengslum við þjófnað úr læstum híbýlum en ekki í vinnuskúrum.	

## **104 Heimatrygging TM4** Yfirlitsmynd - Vátryggingarsvið innbústryggingar

			V		M
	I Óveður	J Kæli- og Frystivörur	K Ofhitun á þvotti	L Brot eða hrun	M Skýfall og asahláka
Vátryggingin tekur til eftirtalinna tjónsatvika:	vindstig eða meira) og tjónið	■ Skemmda á frystikistu eða ísskáp svo og matvælum í þeim severða vegna þess að rafstraumur rofnar skyndilega og	■ Skemmda á þvotti af völdum ofhitunar í þvottavél eða þurrkara sem stafar af bilun í þvottavélinni eða þurrkaranum. Hámark eru 5% af vátryggingarfjárhæðinni.	■ Skemmda sem verða á innbúi á heimili vátryggðs af völdum þess að munir úr innbúinu detta skyndilega niður og brotna án utanaðkomandi áhrifa. Með innbúi er átt við hluti er fylgja almennu heimilishaldi svo sem húsgögn, málverk, skrautmuni og heimilistæki.	■ Tjóns á innbúi ef jarðvegsvatn flæðir inn, enda hafi það orðið af völdum skyndilegrar úrhellisrigningar (skýfalls) eða snjóbráðar (asahláku), en með skyndilegri úrhellisrigningu og snjóbráð er átt við að jarðvegsvatn verður skyndilega svo mikið að jarðvegsniðurföll leiða það ekki frá.
Undanþágur og takmarkanir:	Vátryggingin	Vátryggingin	Vátryggingin bætir	Vátryggingin bætir ekki:	Vátryggingin bætir ekki:
	bætir ekki: ■ Tjón á munum utanhúss. ■ Tjón sem verður vegna flóða í kjölfar óveðurs. ■ Tjón af völdum úrkomu nema það sem verður sem bein afleiðing af	bætir ekki: ■ Tjón á sjálfri frystikistunni, - skápnum eða ísskápnum ef	ekki: ■ Tjón á sjálfri þvottavélinni eða þurrkaranum.	■ Skemmdir á öðrum munum en þeim sem að ofan greinir, t.d. símum, tölvum, verkfærum, gleraugum, úrum, myndavélum, myndbandstökuvélum eða öðrum persónulegum lausafjármunum. ■ Skemmdir sem verða þegar verið er að færa hluti til. ■ Skemmdir á munum sem einhver hinna vátryggðu veldur með því að toga, fella eða henda þeim niður. ■ Skemmdir sem verða utan heimilis vátryggðs. ■ Skemmdir af völdum vökva sem hellist niður.	■ Tjón vegna utanaðkomandi vatns frá svölum, frá þakrennum eða frárennslisleiðslum þeirra eða vegna sjávarfalla og/eða grunnvatns. Sama á við um vatnstjón sem Viðlagatryggingu Íslands er skylt að bæta. ■ Það er skilyrði fyrir bótaskyldu félagsins að vátryggður hreinsi frá niðurföllum við húseignina svo snjór, klaki eða óhreinindi stífli þau ekki.
Vátryggðir munir:  1) Almennt innbú og persónulegir lausafjármunir vátryggðs sem fylgja almennu heimilishaldi og teljast ekki vera hluti af fasteign eða almennu fylgifé hennar.		■ Hámark 2% af vátryggingar- fjárhæðinni.	■ Eigin áhætta er 25% í hverju tjóni, þó að lágmarki sú eigin áhætta sem gildir í innbúslið og tilgreind er á skírteini (reikningur vegna viðgerðar á þvottavélinni eða þurrkaranum fylgi bótakröfu).		
Sérgreint innbú:					
<ol> <li>Málverk, listaverk, myndavélar, myndupptökutæki, myndspilarar, sjónaukar, hljóðfæri, hljómtæki, sjónvörp, útvörp, segulbandstæki, tölvur, fjarskipta- og staðsetningartæki.</li> </ol>					
<ol> <li>Skartgripir, úr, hámark 5% vátryggingarfjárhæðar.</li> </ol>					
vatryggingarrjarnæoar.  4) Peningar, verðbréf, handrit, frumteikningar, mynt- og frímerkjasöfn. Hámark 1% vátryggingarfjárhæðar, hver liður.					
5) Læst reiðhjól, barnavagnar og barnakerrur. Hámarksbætur vegna tjóns á reiðhjóli eru kr. 250.000 (þegar eigin áhætta hefur verið dregin frá).					
6) Verkfæri, varahlutir og áhöld, sem vátryggður á og notar sem launþegi við atvinnu sína. Hámark 5% vátryggingarfjárhæðar.					